



Godina I - Broj 21

Ponedjeljak, 23. novembar 1992.
SARAJEVO

Za svaki broj posebno se
utvrđuje cijena
Žiro-račun 10100-603-1396

502

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU

SA ZAKONSKOM SNAGOM O RADNIM ODNOSIMA ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI

Član 1.

Zakon o osnovnim pravima iz radnog odnosa ("Službeni list SFRJ", br. 60/89 i 42/90) koji se primjenjuje kao republički zakon saglasno članu 1. poglavlje III tačka 2. podtačka 1) Uredbe sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92) i Zakon o radnim odnosima ("Službeni list SRBiH", broj 20/90) primjenjuje se i za vrijeme ratnog stanja ili u slučaju neposredne ratne opasnosti, ako ovom uredbom nije drukčije određeno.

Član 2.

Radni odnos u preduzeću, holding preduzeću, ustanovi, fondu, banci i drugoj finansijskoj organizaciji, organizaciji za osiguranje, zadruzi i drugim oblicima saradnje i zajedničkog poslovanja sa stranim licem (u daljem tekstu: preduzeće i drugo pravno lice) i radni odnos kod radnih ljudi koji samostalno obavljaju djelatnost ličnim radom, odnosno ličnim radom i sredstvima u svojini građana odnosno kod građanskog pravnog i fizičkog lica, u poljoprivrednom gazdinstvu, predstavništvu stranih firmi i diplomatskom i konzularnom predstavništvu u Republici Bosni i Hercegovini (u daljem tekstu: poslodavac) zasniva se bez javnog oglašavanja odnosno raspisivanja konkursa.

Član 3.

Obezbjedenje potrebnih stručnih i drugih radnika u preduzeću i drugom pravnom licu odnosno kod poslodavca, vrši se u skladu sa odredbama Uredbe sa zakonskom snagom o zapošljavanju za vrijeme ratnog stanja ili u slučaju neposredne ratne opasnosti.

Član 4.

Pripadnik oružanih snaga Republike Bosne i Hercegovine koji je do dana mobilisanja bio u radnom odnosu, za vrijeme dok se nalazi u oružanim snagama ostvaruje sva prava koja

proističu iz rada, izuzev plate koju ostvaruje po posebnim propisima.

Član 5.

Radnik je dužan da obavlja poslove radnog mjesta za koje se traži niži stepen stručne spremlje određene vrste zanimanja od one koju ima, na osnovu odluke direktora ili drugog ovlaštenog radnika u preduzeću i drugom pravnom licu odnosno poslodavca, dok se ne zasnjuje radni odnos sa radnikom koji ispunjava uslove za to radno mjesto.

Član 6.

Radnik može biti privremeno raspoređen u drugo preduzeće ili drugo pravno lice u istom ili drugom mjestu na poslove radnog mjesta za koje ispunjava uslove stručne spremlje određene vrste zanimanja.

Rješenje o raspoređivanju radnika iz jednog u drugo preduzeće ili drugo pravno lice donosi direktor, u sporazumu sa direktorom preduzeća ili drugog pravnog lica u koje se radnik raspoređuje.

U slučaju da ne dođe do sporazuma iz stava 2. ovog člana, a raspoređivanje radnika je od značaja za društveno-političku zajednicu, rješenje o raspoređivanju donosi izvršni organ društveno-političke zajednice na čijem je području sjedište preduzeća ili drugog pravnog lica iz kojeg se radnik raspoređuje.

Radnik raspoređen u drugo preduzeće ili drugo pravno lice ostvaruje prava i preuzima obaveze na radu i po osnovu rada u preduzeću ili drugom pravnom licu u koje je raspoređen.

Raspoređivanje radnika u smislu stava 1. ovog člana može trajati najduže do prestanka ratnog stanja.

Član 7.

Radnik za čijim radom privremeno prestane potreba zbog smanjenja obima posla za vrijeme ratnog stanja ili u slučaju neposredne ratne opasnosti može se uputiti na čekanje, najduže do prestanka ovih okolnosti.

Radnik upućen na čekanje ima pravo na novčanu naknadu u iznosu utvrđenom odlukom direktora odnosno poslodavca, u skladu sa materijalnim mogućnostima preduzeća ili drugog pravnog lica odnosno poslodavca, ako platu odnosno novčanu naknadu ne ostvaruje po drugom osnovu.

Doprinosi za zdravstveno osiguranje i penzijsko i invalidsko osiguranje obračunava se na osnovicu koju čini novčana naknada iz stava 2. ovog člana.

Ako je iznos novčane naknade iz stava 2. ovog člana manji od prosječne plate u Republici Bosni i Hercegovini iz mjeseca koji prethodi mjesecu za koji se vrši uplata doprinosa, osnovicu za obračun doprinosa za zdravstveno osiguranje i penzijsko i invalidsko osiguranje čini ta plata.

Obveznik uplate doprinosa iz stava 3. ovog člana je preduzeće ili drugo pravno lice odnosno poslodavac.

Član 8.

Rješenje o upućivanju radnika na čekanje donosi direktor ili drugi ovlašteni radnik odnosno poslodavac.

U rješenju iz stava 1. ovog člana direktor ili drugi ovlašteni radnik odnosno poslodavac može utvrditi rokove i način javljanja radnika upućenog na čekanje preduzeću ili drugom pravnom licu odnosno poslodavcu.

Član 9.

Direktor ili drugi ovlašteni radnik u preduzeću ili drugom pravnom licu odnosno poslodavac može, po potrebi i u okviru mogućnosti, vršiti naizmjenično angažovanje radnika upućenog na čekanje i raspoređenog radnika.

Radnik upućen na čekanje može, po potrebi, biti privremeno raspoređen u drugo preduzeće ili drugo pravno lice odnosno kod poslodavca, o čemu sporazumno donose odluku direktori preduzeća ili drugih pravnih lica odnosno poslodavci koji su interesovani za privremeno raspoređivanje radnika.

Član 10.

Radnik se zbog nemogućnosti dolaska na posao, može uputiti na neplaćeno odsustvo u slučajevima:

- ako stanuje ili mu se radno mjesto nalazi na okupiranom području ili području zahvaćenom borbenim dejstvom,
- ako je zarobljen ili odveden u koncentracioni ili drugi logor,
- ako o radniku nema nikakvih saznanja niti podataka.

Neplaćeno odsustvo može trajati do prestanka okolnosti iz stava 1. ovog člana, ako radnik u roku od 15 dana po prestanku okolnosti dokaže da nije mogao dolaziti na posao.

Za vrijeme neplaćenog odsustva radniku miruju prava i obaveze koje proističu iz rada i po osnovu rada.

Član 11.

Radnik koji se za vrijeme ratnog stanja ili u slučaju neposredne ratne opasnosti nalazi na oslobođenom području, a radno mjesto se nalazi na okupiranom ili području zahvaćenom borbenim dejstvom, može se privremeno radno angažovati u preduzeću ili drugom pravnom licu odnosno kod poslodavca na slobodnom području, sa svim pravima i obavezama iz radnog odnosa.

Radnik se može radno angažovati u smislu stava 1. ovog člana dok za njegovim radom postoji potreba, a najduže do stvaranja uslova za povratak u preduzeće ili drugo pravno lice odnosno kod poslodavca kod kojeg se nalazi u radnom odnosu.

Član 12.

Za vrijeme porodijskog odsustva radnica ima pravo na naknadu ličnog dohotka u skladu sa propisima o zdravstvenoj zaštiti.

Član 13.

U slučaju potrebe puno radno vrijeme u preduzeću ili drugom pravnom licu odnosno kod poslodavca može se uvesti u trajanju dužem od 42 sata sedmično, ali ne duže od 72 sata sedmično.

Odluku o uvođenju radnog vremena u smislu stava 1. ovog člana donosi direktor ili drugi ovlašteni radnik odnosno poslodavac.

Direktor ili drugi ovlašteni radnik odnosno poslodavac dužan je uvesti radno vrijeme duže od punog radnog vremena, ako to odredi izvršni organ društveno-političke zajednice.

Član 14.

Za vrijeme ratnog stanja radnici ne mogu koristiti godišnji odmor.

Član 15.

Radniku prestaje radni odnos ako je u toku izvršavanja radne obaveze neopravdano izostao sa posla duže od 20 radnih dana uzastopno ili ako se stavio na stranu agresora i protiv Republike Bosne i Hercegovine.

Član 16.

Rješenje o prestanku radnog odnosa u smislu člana 15. ove uredbe donosi direktor ili drugi ovlašteni radnik odnosno poslodavac.

Rješenje o prestanku radnog odnosa direktora odnosno zamjenika direktora preduzeća ili drugog pravnog lica donosi izvršni organ društveno-političke zajednice na čijem području je sjedište preduzeća ili drugog pravnog lica u slučaju ako nadležni organ u preduzeću ili drugom pravnom licu nije u mogućnosti da se sastane.

Član 17.

Ako nadležni organ u preduzeću ili drugom pravnom licu nije u mogućnosti da rješava o prigovoru radnika na odluku, odnosno rješenje, prigovor se podnosi direktoru ili drugom ovlaštenom radniku.

Član 18.

Ova uredba stupa na snagu danom objavljivanja u "Službenom listu RBiH".

PR broj 1353/92

11. novembra 1992. godine
Sarajevo

Predsjednik

Predsjedništva RBiH,
Alija Izetbegović, s. r.

503

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 11. novembra 1992. godine, donosi

UREDBU

SA ZAKONSKOM SNAGOM
O IZMJENAMA I DOPUNAMA UREDBE
SA ZAKONSKOM SNAGOM O PRIMJENI
KRIVIČNOG ZAKONA REPUBLIKE BOSNE I
HERCEGOVINE I KRIVIČNOG ZAKONA
SOCIJALISTIČKE FEDERATIVNE REPUBLIKE
JUGOSLAVIJE KOJI JE PREUZET
KAO REPUBLIČKI ZAKON ZA VRIJEME
NEPOSREDNE RATNE OPASNOSTI
ILI ZA VRIJEME RATNOG STANJA

Član 1.

U Uredbi sa zakonskom snagom o primjeni Krivičnog zakona Republike Bosne i Hercegovine i Krivičnog zakona Socijalističke Federativne Republike Jugoslavije, koji je preuzet kao republički zakon za vrijeme neposredne ratne opasnosti ili za vrijeme ratnog stanja ("Službeni list RBiH", br. 6/92 i 11/92) u članu 2a. iza stava 2. dodaje se novi stav 3 koji glasi:
"(3) Kazna konfiskacije imovine može se izreći za krivična djela predviđena u članu 6b. stav 10. alineja 1. i 3. ove uredbe".

Član 2.

U članu 6b. u stavu 2. riječi: "Vršenje propisa o cijenama (član 133. stav 1. KZ RBiH)", brišu se.

Stav 3. mijenja se i glasi:

(3) Za krivična djela: Zlostavljanje u vršenju službe (član 54. KZ RBiH), Narušavanje nepovredivosti stana (član 56. stav 2. KZ RBiH), Protivzakonito pretresanje (član 57. KZ RBiH), Protivpravno zauzimanje nekretnosti u društvenoj svojini (član 124. stav 2. KZ RBiH), Oštećenje stambenih i poslovnih zgrada i prostorija (član 125. KZ RBiH), Proizvodnja štetnih sredstava za liječenje životinja (član 137. 1. KZ RBiH), Nepostupanje po propisima za suzbijanje bolesti životinja i bilja (član 139. stav 3. KZ RBiH), Zagađivanje stočne hrane i vode (član 140. stav 3. KZ RBiH), Pustošenje šuma (član 142. stav 1. KZ RBiH), Šumska krađa (član 143. stav 1. KZ RBiH), Oduzimanje tuđe stvari (član 154. stav 1. KZ RBiH), Oštećenje tuđe stvari (član 155. stav 1. KZ RBiH), Prikrivanje (član 165. stav 2. KZ RBiH), Sprečavanje službenog lica u vršenju službene radnje (član 198. stav 1. KZ RBiH), Napad na službeno lice u vršenju poslova bezbjednosti (član 199. stav 1. KZ RBiH), Učestvovanje u skupini koja spriječi službeno lice u vršenju službene radnje (član 200. stav 1. KZ RBiH), Pozivanje na otpor (član 201. stav 1. KZ RBiH), Neposlušnosti prema naredbi za udaljšavanje (član 202. stav 1. KZ RBiH), Širenje lažnih vijesti (član 203. KZ RBiH), Nasilničko ponašanje (član 204. stav 1. KZ RBiH), Neučestvovanje u otklanjanju opšte opasnosti (član 205. KZ RBiH), Dogovor za izvršenje krivičnog djela (član 210. KZ RBiH), Udruživanje radi vršenja krivičnih djela (član 211. stav 2. KZ RBiH), Izradivanje i nabavljanje oružja i sredstava namijenjenih za izvršenje krivičnih djela (član 212. stav 2. KZ RBiH), Povreda groba ili leša (član 225. stav 1. KZ RBiH), Nedožvoljen prelaz državne granice (član 249. stav 1. KZ SFRJ).

Učinilac će se kazniti zatvorom od šest mjeseci do pet godina.

U stavu 4. riječi: "Nedožvoljena trgovina (član 129. stav 3. KZ RBiH)" zamjenjuju se riječima: "Vršenje propisa o cijenama (član 133. stav 1. KZ RBiH)".

Iza stava 6. dodaju se novi stavovi 7. 8. 9. i 10. koji glase:

(7) Za krivična djela: Nedožvoljena trgovina (član 129. stav 3. KZ RBiH), Proizvodnja štetnih sredstava za liječenje životinja (član 137. stav 2. KZ RBiH), Pustošenje šuma (član 142. stav 2. KZ RBiH), Šumska krađa (član 143. stav 2. KZ RBiH), Utaja (član 152. stav 3. KZ RBiH), Oduzimanje vozila na motorni pogon (član 153. KZ RBiH), Oštećenje tuđe stvari (član 155. stav 2. KZ RBiH), Iznude (član 160. KZ RBiH), Prikrivanje (član 165. stav 1. KZ RBiH), Uništenje ili prikrivanje arhivske građe (član 166. KZ RBiH), Oštećenje, uništenje i nedožvoljen izvoz spomenika kulture i zaštićenih objekata prirode (član 167. stav 1. i 3. KZ RBiH), Sprečavanje službenog lica u vršenju službene radnje (član 198. stav 2. KZ RBiH), Napad na službeno lice u vršenju poslova bezbjednosti (član 199. stav 2. KZ RBiH); Učestvovanje u skupini koja spriječi službeno lice u vršenju službene radnje (član 200. stav 2. KZ RBiH), Pozivanje na otpor (član 201. stav 2. KZ RBiH), Neposlušnost prema naredbi za udaljšavanje (član 202. stav 2. KZ RBiH), Nasilničko ponašanje (član 204. stav 2. KZ RBiH), Ukidanje ili povreda službenog pečata ili znaka (član 206. stav 1. KZ RBiH), Lažno predstavljanje (član 208. stav 1. KZ RBiH), Udruživanje radi vršenja krivičnih djela (član 211. stav 1. KZ RBiH), Izradivanje i nabavljanje oružja i sredstava namijenjenih za izvršenje krivičnih djela (član 212. stav 1. KZ RBiH), Nedožvoljeno držanje oružja ili eksplozivnih materijala (član 213. stav 1. KZ RBiH), Učestvovanje u skupini koja izvrši krivično djelo (član 214. stav 1. KZ RBiH), Nedožvoljen prelaz državne granice (član 249. stav 2. KZ SFRJ),

činilac će se kazniti zatvorom od jedne do deset godina.

Istom kaznom kazniće se učinilac krivičnog djela:

- Oduzimanje tuđe stvari (član 154. stav 1. KZ RBiH), ako vrijednost oduzete ili prijavljene stvari prelazi iznos od trideset hiljada dinara;

Povreda groba ili leša (član 225. KZ BiH) ako je djelo iz stava 1. učinjeno u pogledu većeg broja grobova ili drugih mjesta u kojima se umrli sahranjuje, ili ako je predmet djela iz stava 2. više leševa ili dijelova leševa odnosno leševa ili pepeo većeg broja mrtvih.

(8) Za krivično djelo kršenja propisa o cijenama (član 133. stav 1. KZ RBiH) ako je predmet djela veća količina robe ili predmeta ili veći obim usluga,

činilac će se kazniti zatvorom od jedne do deset godina i novčanom kaznom.

(9) Za krivična djela: Nedožvoljena trgovina (član 129. stav 4. KZ RBiH), Razbojnička krađa (član 149. KZ RBiH), Razbojništvo (član 150. KZ RBiH), Oštećenje, uništenje i nedožvoljen izvoz spomenika kulture i zaštićenih objekata prirode (član 167. stav 2. KZ RBiH), Sprečavanje lica u vršenju službene radnje (član 198. stav 3. KZ RBiH), Napad na službeno lice u vršenju poslova bezbjednosti (član 199. stav 3. KZ RBiH), Nedožvoljeno držanje oružja ili eksplozivnih materija (član 213. stav 2. KZ RBiH) i Učestvovanje u skupini koja izvrši krivično djelo (član 214. stav 2. KZ RBiH),

činilac će se kazniti zatvorom najmanje tri godine.

Istom kaznom kazniće se učinilac krivičnog djela:

- Utaje (član 152. KZ RBiH) ako vrijednost utajenih stvari prelazi iznos od stotinu hiljada dinara;

- Oduzimanje vozila na motorni pogon (član 153. KZ RBiH) ako je oduzimanje učinjeno od strane više lica koja su se udružila za oduzimanje vozila na motorni pogon, ili od strane lica od kojih je ma i jedno pri sebi imalo kakvo oružje ili opasno oruđe radi napada ili odbrane, ili ako je oduzimanje učinjeno na naročito opasan ili naročito drzak način;

- Iznude (član 160. KZ RBiH) ako je djelo izazvalo teže štetne posljedice ili je djelo učinilo vojno lice;

- Izradivanje i nabavljanje oružja i sredstava namijenjenih za izvršenje krivičnih djela (član 212. stav 1. KZ RBiH) ako je predmet djela veća količina oružja, eksplozivne materije ili sredstava potrebnih za njihovo spravljanje ili otrova.

(10) Kaznom zatvora od najmanje tri godine ili smrtnom kaznom kazniće se učinilac krivičnog djela:

- Teški slučajevi razbojničke krađe i razbojništva (član 151. stav 2. KZ RBiH) ako je razbojnička krađa ili razbojništvo učinjeno iz napuštenih ili oštećenih zgrada, stanova ili drugih napuštenih ili oštećenih prostora, ili za vrijeme zabrane kretanja građana policijski sat ili je razbojničku krađu ili razbojništvo učinilo vojno lice;

- Teške krađe (član 148. KZ RBiH) ako je krađa učinjena iz napuštenih ili oštećenih zgrada, stanova ili drugih napuštenih ili oštećenih prostora, ili za vrijeme zabrane kretanja građana (policijski sat), ili je krađu učinilo vojno lice;

- Oduzimanje vozila na motorni pogon (član 153. KZ RBiH) ako je predmet djela najmanje tri vozila na motorni pogon ili je oduzimanje učinilo vojno lice ili lice koje se lažno predstavlja kao vojno lice;

- Prevare (član 158. stav 3. KZ RBiH) ako je djelo učinjeno od strane više lica koja su se udružila za vršenje prevare ili od strane vojnog lica ili lica koje se lažno predstavlja kao vojno lice;

- Teško djelo protiv opšte sigurnosti ljudi i imovine (član 177. stav 2. KZ RBiH);

- Napada na službeno lice u vršenju poslova bezbjednosti (član 199. stav 3. KZ RBiH) ako je djelo učinila grupa lica, ili je djelo učinjeno za vrijeme zabrane kretanja građana (policijski sat);

- Nedoizvoljenog držanja oružja ili eksplozivnih materija (član 213. stav 1. i 2. KZ RBiH) ako je učinilac djela organizovao mrežu preprodavaca ili posrednika.

Dosadašnji stav 7. koji postaje novi stav 11. mijenja se i glasi:

"(11) Za krivična djela Prinuda (član 51. stav 1. KZ RBiH), Narušavanje nepovredivosti Stana (član 56. stav 1. KZ RBiH), Utaja (član 152. stav 1. i 4. KZ RBiH), Oduzimanje tuđe stvari (član 154. KZ RBiH), Oštećenje tuđe stvari (član 155. stav 1. KZ RBiH), Sitno djelo krađe, utaje ili prevare (član 159. stav 1. KZ RBiH) i Samovlašće (član 209. KZ RBiH), gonjenje se preduzima po službenoj dužnosti.

Član 3.

U članu 7. iza stava 1. dodaje se novi stav 2. koji glasi:
"Za krivična djela iz stava 1. alineja 3. ovog člana kao i za druga krivična djela protiv službene i druge odgovorne dužnosti za koje se može izreći kazna zatvora do 15 godina učinocu se može izreći smrtna kazna".

Dosadašnji stav 2. postaje stav 3.

Član 4.

Ovlašćuje se Komisija za organizaciona i kadrovska pitanja Predsjedništva RBiH da utvrdi prečišćeni tekst Uredbe sa zakonskom snagom o primjeni Krivičnog zakona Republike Bosne i Hercegovine i Krivičnog zakona Socijalističke Federativne Republike Jugoslavije koji je preuzet kao republički zakon za vrijeme neposredne ratne opasnosti ili za vrijeme ratnog stanja.

Član 5.

Ova uredba stupa na snagu danom objavljivanja u "Službenom listu RBiH".

PR broj 1350/92
11. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

504

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 11. novembra 1992. godine, donosi

UREDBU

SA ZAKONSKOM SNAGOM O OGRANIČAVANJU PROMETA DRVETA I DRVNIH SORTIMENATA

Član 1.

Ovom uredbom regulišu se način i uslovi obavljanja unutrašnjeg robnog prometa i prometa sa inostranstvom, drveta i drvnih sortimenata, u uslovima ratnog stanja ili neposredne ratne opasnosti.

Član 2.

Zabranjuje se prodaja i svaka druga isporuka drveta i drvnih sortimenata pravnim i fizičkim licima sa teritorije Republike Bosne i Hercegovine (u daljem tekstu: Republika), na područja koja je privremeno zaposjeo agresor na Republiku.

Zabrana iz stava 1. ovog člana odnosi se na isporuke drveta sljedećih drvnih sortimenata:

- obla grada svih kvaliteta: trupci za rezanje, "F" i "L" trupci i tanka oblovinu,
- ogrevno i celulozno drvo četinara i lišćara,
- rezana grada četinara i lišćara,
- ploče i furniri svih vrsta,
- građevinska stolarija.

Član 3.

Dozvoljen je izvoz proizvoda primarne prerade drveta, polufinalnih i finalnih proizvoda od drveta.

Proizvode iz stava 1. ovog člana ne mogu izvoziti preduzeća, druga pravna lica i samostalni privrednici i pojedinci sa dijela teritorije Republike koju je privremeno zaposjeo agresor.

Član 4.

Izvoz trupaca za rezanje četinara i lišćara, trupaca za furnir i ljuštenje, rudnog drveta, stubova za elektrovodove i druge, ostale oblovine, rezane grade četinara i lišćara, šperploča, panel-ploča oplemenjenih, ploča iverica oplemenjenih, parketa, broškog poda, lamperije i građevinske stolarije, vršice se na bazi kontigenata koje će utvrditi Vlada Republike Bosne i Hercegovine (u daljem tekstu: Vlada RBiH), po pribavljenom mišljenju Ministarstva za robni promet, poduzetništvo i turizam i Ministarstva za šumarstvo i drvnu industriju.

Na osnovu zahtjeva preduzeća koja su registrirana za obavljanje spoljnotrgovinskog prometa drvetom i proizvodima od drveta, Ministarstvo šumarstva i drvne industrije izvršiće raspodjelu odobrenog kontigenta.

Član 5.

Isporuka trupaca za rezanje četinara i lišćara, rudnog drveta, stubova za elektrovodove i druge, ostale oblovine, ogrevnog i celuloznog drveta, rezane grade četinara i lišćara, parketa, broškog poda i lamperije iz Republike za Republiku Hrvatsku i Republiku Sloveniju, vršice se na bazi kompenzacija za naftu i derivate nafte.

Ministarstvo za robni promet, poduzetništvo i turizam, sa nadležnim republičkim organima Republike Hrvatske i Republike Slovenije utvrdiće uvjete po kojima će se vršiti poslovi kompenzacije iz stava 1. ovog člana.

Član 6.

Nadzor nad sprovođenjem ove uredbe vrše republički i opštinski organi uprave nadležni za poslove šumarske i tržišne inspekcije, Carinski i Devizni inspektorat i ovlaštena službena lica Ministarstva unutrašnjih poslova, svako u okviru svojih nadležnosti.

Član 7.

Novčanom kaznom od 80.000 do 120.000 dinara kazniće se za prekršaj preduzeće ili drugo pravno lice ako:

- prodaje ili isporučuje drvo i drvne sortimente iz člana 2. ove uredbe na dijelove teritorije Republike, koje je privremeno zaposjeo agresor,

- vrši promet proizvoda primarne i finalne prerade drveta suprotno odredbi člana 3. stav 2. ove uredbe,

- ne vrši isporuku ogrevnog drveta iz Republike, za Republiku Hrvatsku i Republiku Sloveniju u kompenzacijama za naftu i derivate nafte (član 5.).

Za prekršaj iz stava 1. ovog člana kazniće se i odgovorno lice u pravnom licu, novčanom kaznom od 10.000 do 25.000 dinara.

Član 8.

Pored kazne za prekršaje iz člana 7. ove uredbe izreći će se učinocu prekršaja i mjera oduzimanja predmeta, kada su predmeti upotrebljeni ili su bili namijenjeni za izvršenje prekršaja.

Član 9.

Odredbe čl. 16, 17, 18. i 19. Zakona o spoljnotrgovinskom poslovanju ("Službeni list SFRJ", br. 63/89 i 11/91), koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/91), preuzet kao republički zakon, neće se primjenjivati za vrijeme

Član 7.

Ova uredba stupa na snagu danom objavljivanja u "Službenom listu RBiH".

PR broj 1350/92
11. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

507

Na osnovu Amandmana Li tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 11. novembra 1992. godine, donosi

UREDBU

SA ZAKONSKOM SNAGOM O UVJETIMA I NAČINU OBAVLJANJA DJELATNOSTI REZANJA DRVETA

I - OPĆE ODREDBE

Član 1.

Ovom uredbom utvrđuju se uvjeti i način obavljanja djelatnosti rezanja drveta u uvjetima ratnog stanja ili neposredne ratne opasnosti.

Član 2.

Preduzeća i druga pravna lica, samostalni privrednici i druga lica koja obavljaju djelatnost rezanja drveta (u daljem tekstu: pilane) moraju posjedovati uređenu investiciono-tehničku dokumentaciju, izrađenu od institucije koja je registrirana za projektovanje u oblasti drvne industrije.

Dokumentacija iz stava 1. ovog člana sadrži:

- građevinski dio,
- mašinsku opremu i instalacije,
- elektro-instalacije,
- sanitarnu zaštitu,
- zaštitu od požara,
- zaštitu okoline,
- zaštitu na radu,
- tehnološki dio,
- podatke o ekonomskoj opravdanosti izgradnje pilane.

Pilane iz stava 1. ovog člana moraju prije početka obavljanja djelatnosti u građevinskom objektu za rezanje drveta pribaviti urbanističku saglasnost, odobrenje za građenje i odobrenje za upotrebu građevine na način i po postupku kako je to utvrđeno u Zakonu o prostornom uređenju - Prečišćeni tekst ("Službeni list SRBiH", br. 9/87, 23/88, 24/89, 10/90, 14/90, 15/90 i 4/91).

Član 3.

Nadležni organ uprave općine formira komisiju koju vrši neposredan uvid u investiciono-tehničku dokumentaciju i izvedene radove na objektu. Komisija će sačiniti zapisnik u kojem će dati ocjenu da li je objekat izveden u skladu sa investiciono-tehničkom dokumentacijom, odnosno u skladu sa članom 2. ove uredbe.

Član 4.

Pilane koje su registrirane za obavljanje djelatnosti rezanja drveta dužne su, u roku od 30 dana od dana stupanja na snagu ove uredbe, pribaviti saglasnost za obavljanje djelatnosti rezanja drveta.

Suglasnost iz stava 1. ovog člana mogu tražiti pilane koje su registrirane za obavljanje djelatnosti rezanja drveta, odnosno koje imaju odgovarajuće odobrenje za obavljanje te djelatnosti.

Član 5.

Izvršni odbor općine, ili organ uprave koga on ovlasti, izdaje suglasnost za obavljanje djelatnosti rezanja drveta ako su ispunjeni uvjeti iz čl. 2, 3. i 4. ove uredbe.

Izvršni odbor općine, ili organ uprave koga on ovlasti, izdaje rješenje za obavljanje djelatnosti rezanja drveta za novoizgrađene pilane ako su ispunjeni uvjeti iz čl. 2. i 3. ove uredbe.

Uz zahtjev za izdavanje suglasnosti iz stava 1. ovog člana, kao i za izdavanje rješenja za rad novoizgrađenih pilana iz stava 2. ovog člana, podnosilac zahtjeva dužan je dostaviti opći akt o unutrašnjoj organizaciji kojim su utvrđeni uvjeti potrebni za obavljanje poslova na radnim mjestima u pilani.

Član 6.

U šumi ili njenoj blizini ne mogu se podizati pilane, samostalne radnje i prateći objekti.

Pod blizinom šume iz stava 1. ovog člana podrazumijeva se pojas od 100 metara od ivice šume.

Izuzetno od odredbe st. 1. i 2. ovog člana mogu se u šumi ili njenoj blizini podizati objekti i pilane, zgrade i dr, ako su isti od posebnog značaja za odbranu Republike Bosne i Hercegovine, uz davanje suglasnosti nadležnog organa uprave za poslove odbrane.

Član 7.

Pilane mogu preuzeti drvo i vršiti njegovo rezanje samo na osnovu otpremnog iskaza za drvo posjeđeno u šumi, a koje sadrži:

- naziv i adresu isporučioća drveta,
- broj čekića,
- rok važnosti otpremnog iskaza,
- naziv sortimenata i vrsta drveta,
- dužina, promjer i količinu m3 po svakom sortimentu i ukupnu količinu u m3,
- količina u m3 po klasama,
- naziv i adresa kupca drveta, i
- registarski broj kamiona kojim se vrši prevoz.

Otpremni iskaz za drvo posjeđeno u šumi u državnoj svojini izdaju poduzeća koja gazduju tim šumama, a za drvo iz šuma u privatnoj svojini, organ uprave koji je ovlašten općinskim propisom.

Pilana je dužna otpremni iskaz čuvati u svojoj arhivi najmanje tri godine.

Član 8.

Pilane su dužne voditi evidenciju rezanja drveta.

Evidencija iz stava 1. ovog člana obavezno sadrži sljedeće podatke:

- naziv firme - pilane, sjedište, broj i datum,
- naziv firme i sjedište isporučioća drveta za rezanje,
- datum prijema drveta i broj otpremnog iskaza,
- naziv šumskog sortimenta i vrste drveta sa osnovnim elementima (dužina, prečnik, količina u m3 po svakom komadu i ukupna količina u m3).

Član 9.

Pilane su dužne da po izvršenom rezanju drveta, pri stavljanju rezane građe u promet, izdaju otpremni iskaz koji sadrži podatke:

- naziv i sjedište firme koja izdaje otpremni iskaz,
- naziv i sjedište firme ili fizičkog lica, kojoj se isporučuje rezana građa,
- datum otpreme rezane građe i registarski broj vozila, kojim se građa otprema,
- rok važenja otpremnog iskaza,
- naziv rezane građe sa osnovnim elementima (dužina, debljina, širina i količina u m3 po svakom komadu i ukupna količina u m3),
- cijena po m3 i ukupna vrijednost rezane građe.

Rezana građa mora biti klasirana i obilježena u skladu sa važećim standardom.

Pilana je dužna otpremni iskaz čuvati u svojoj arhivi najmanje tri godine.

Pilane su dužne dostavljati podatke o porezu oblovine i proizvodnji rezane građe Republičkom zavodu za statistiku i nadležnom općinskom organu uprave.

II - NADZOR

Član 11.

Nadzor nad sprovođenjem ove uredbe vrše republički i općinski organi uprave nadležni za poslove šumarstva, tržišne inspekcije rada i ovlaštena službena lica Ministarstva unutar njih poslova.

III - KAZNE NE ODREDBE

Član 12.

Novčanom kaznom od 80.000 do 120.000 dinara kazniće se za prekršaj poduzeće i drugo pravno lice koje gazduje šumama, poduzeća i drugo pravno lice, koji obavljaju djelatnost rezanja i prometa drveta, ako:

1. ne posjeduju urednu investiciono-tehničku dokumentaciju (član 2. st. 1. i 2.),
2. obavljaju djelatnost rezanja drveta bez suglasnosti za obavljanje rezanja drveta (član 5. stav 1.),
3. ne posjeduju rješenje za obavljanje djelatnosti rezanja drveta (član 5. stav 2),
4. ne dostave opći akt o unutrašnjoj organizaciji kojim su utvrđeni vrsta i stepen stručne spremlje (član 5. stav 3.),
5. podižu pilane i prateće objekte u šumi ili njenoj blizini (član 6. st. 1. i 2.),
6. ne posjeduju otpremni iskaz za drvo posječeno u šumi i isti ne čuvaju u svojoj arhivi (član 7.),
7. ne vode ili nepropisno vode evidenciju rezanja drveta (član 8.),
8. ne izdaju ili izdaju nepotpun ili netačan otpremni iskaz za rezanu građu (član 9.),
9. vrše promet ili prevoz rezane građe bez otpremnog iskaza (član 9.),
10. ne dostavljaju, dostavljaju neblagovremeno ili dostavljaju netačne podatke o prerezima drveta i proizvodnji rezane građe (član 10.).

Za prekršaj iz stava 1. ovog člana kazniće se i odgovorno lice, novčanom kaznom od 10.000 do 25.000 dinara.

Predmeti koji su bili predmet izvršenja prekršaja ili su poslužili za izvršenje prekršaja iz stava 1. ovog člana oduzimaju se.

Član 13.

Za prekršaje navedene u članu 12. ove uredbe kazniće se samostalni privrednik - poduzetnik koji obavlja djelatnost rezanja i prometa drveta novčanom kaznom od 25.000 do 50.000 dinara.

Pored kazne za prekršaj iz stava 1. ovog člana izreći će se učiniocu prekršaja i zaštitna mjera oduzimanja predmeta, kada su predmeti upotrebljeni ili su bili namijenjeni za izvršenje prekršaja.

IV - PRELAZNE I ZAVRŠNE ODREDBE

Član 14.

Pilane i prateći objekti koji su izgrađeni, odnosno instalirani prije stupanja na snagu ove uredbe, a koji ne ispunjavaju uvjete iz člana 6. stav 2. ove uredbe u pogledu blizine šume, nastavlja se sa radom ako im nadležni organ iz člana 6. stav 3. ove uredbe izda saglasnost.

Član 15.

Poduzeća koja gazduju šumama, druga pravna lica, samostalni privrednici - poduzetnici i druga lica koja obavljaju djelatnost rezanja drveta, kao i lica koja se bave prometom

drveta u smislu člana 39. Zakona o šumama ("Službeni list SR BiH", broj 11/78, 12/87 i 22/91), imaju svoje poslovanje i opće akte prilagoditi odredbama ove uredbe u roku od 30 dana od dana stupanja na snagu ove uredbe.

Član 16.

Propisi o šumama, uvjetima i načinu obavljanja djelatnosti rezanja drveta, koji važe na dan stupanja na snagu ove uredbe primjenjuju se, osim ako ovom uredbom nije drugačije određeno.

Član 17.

Ova uredba stupa na snagu danom objavljivanja u "Službenom listu RBiH".

PR broj 1348/92

11. studenog 1992. godine
Sarajevo

Predsjednik

Predsjedništva RBiH,
Alija Izetbegović, s. r.

508

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 11. novembra 1992. godine, donosi

UREDBU

SA ZAKONSKOM SNAGOM O IZMJENAMA ZAKONA O PUTEVIMA

Član 1.

U Zakonu o putevima ("Službeni list SR BiH", broj 10/91 u članu 72. stav 1. u uvodnoj rečenici, riječi: "12000,00 do 120.000,00 zamjenjuju se riječima: "90.000 do 1.000.000". U stavu 2. riječi: "400,00 do 8.000,00" zamjenjuju se riječima: "5.000 do 40.000".

Član 2.

U članu 73. stav 1. u uvodnoj rečenici, riječi: "2.000,00 do 12.000,00" zamjenjuju se riječima: "20.000 do 120.000".

U stavu 2. riječi: "100,00 do 2.000,00" zamjenjuju se riječima: "5.000 do 25.000".

Član 3.

U članu 74. riječi: "400,00 do 2.000,00" zamjenjuju se riječima: "5.000 do 25.000".

Član 4.

Ova uredba stupa na snagu danom objavljivanja u "Službenom listu RBiH".

PR broj 1346/92

11. novembra 1992. godine
Sarajevo

Predsjednik

Predsjedništva RBiH,
Alija Izetbegović, s. r.

509

Na osnovu Amandmana Li tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 11. novembra 1992. godine, donosi

UREDBU

SA ZAKONSKOM SNAGOM O KORIŠTENJU SREDSTAVA SOLIDARNOSTI ZA VELIKE OPRAVKE

Član 1.

Ovom uredbom utvrđuju se uslovi i način korištenja sredstava solidarnosti za izgradnju stanova (u daljem tekstu: sredstva solidarnosti), koja se izdvajaju na osnovu Zakona o izdvajanju i usmjeravanju sredstava za stambene potrebe i c

samoupravnim interesnim zajednicama u stambenoj oblasti ("Službeni list SRBiH", br. 13/74 i 34/80).

Član 2.

Sredstva solidarnosti koja su na dan stupanja na snagu ove uredbe zatečena na računima osnovnih zajednica za solidarnu stambenu izgradnju, kao i obračunata i naplaćena sredstva do 31. decembra 1992. godine, koristeće se za velike opravke stambenih zgrada oštećenih ratnim dejstvima.

Član 3.

Zatečena sredstva iz člana 2. ove uredbe, osnovne zajednice za solidarnu stambenu izgradnju doznačiće opštinskom organu uprave nadležnom za stambeno-komunalne poslove, na poseban račun, u roku od osam dana od dana stupanja na snagu ove uredbe.

Obračunata i naplaćena sredstva do 31. decembra 1992. godine, osnovne zajednice za solidarnu stambenu izgradnju doznačiće opštinskom organu uprave nadležnom za stambeno-komunalne poslove, na poseban račun, u roku od tri dana od dana naplate.

Član 4.

Sredstva solidarnosti iz člana 2. ove uredbe mogu se koristiti za velike opravke stambenih zgrada po slijedećim kriterijima, i to za:

- generalnu opravku krovne konstrukcije ili krovnog pokrivača i zamjenu krova stambene zgrade;
- izgradnju, odnosno rekonstrukciju usponskih vodova elektroinstalacija i razvodnih ploča elektroinstalacije objekata;
- izgradnju, odnosno rekonstrukciju vodovodne i kanalizacione instalacije, instalacije grijanja i liftove;
- opravka oštećenja na vanjskim i zajedničkim dijelovima zgrade (zidovi, limarski i bravarski radovi).

Član 5.

O korištenju i usmjeravanju sredstava solidarnosti odlučuje izvršni odbor opštine na osnovu programa.

Program iz stava 1. ovog člana, prema utvrđenim kriterijima iz člana 4. ove uredbe, donijeće izvršni odbor opštine u roku od osam dana od dana stupanja na snagu ove uredbe.

Član 6.

Stručne i administrativne poslove za korištenje i usmjeravanje sredstava solidarnosti po programu iz člana 5. ove uredbe, obavlja opštinski organ uprave nadležan za stambeno-komunalne poslove.

Član 7.

Odredbe ove uredbe koje se odnose na opštinu primjenjuju se i na grad Sarajevo.

Član 8.

Ova uredba stupa na snagu danom objavljivanja u "Službenom listu RBiH".

PR broj 1345/92
11. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

510

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 11. novembra 1992. godine, donosi

UREDBU

SA ZAKONSKOM SNAGOM O NEPRIMJENJIVANJU ZAKONA O AGRARNOJ REFORMI I KOLONIZACIJI U NARODNOJ REPUBLICI BOSNI I HERCEGOVINI

Član 1.

Zakon o agrarnoj reformi i kolonizaciji u Narodnoj Republici Bosni i Hercegovini ("Službeni list NRBiH", br. 2/46, 18/46, 20/47, 29/47, 37/49, 14/51 i 41/67) neće se primjenjivati za vrijeme ratnog stanja ili u slučaju neposredne ratne opasnosti.

Član 2.

Postupci za raspravljanje agrarnih odnosa na osnovu odredaba Zakona o agrarnoj reformi i kolonizaciji u Narodnoj Republici Bosni i Hercegovini započeti nakon 30. aprila 1991. godine nastaviti će se po proteku tri mjeseca po prestanku ratnog stanja, odnosno neposredne ratne opasnosti.

Član 3.

Upis prava svojine po osnovu pravosnažnih rješenja donesenih u periodu od 30. aprila 1991. godine do dana stupanja na snagu ove uredbe neće se vršiti u zemljišnim knjigama, odnosno evidenciji nekretnina, za vrijeme ratnog stanja ili u slučaju neposredne ratne opasnosti, kao i u periodu od tri mjeseca nakon prestanka ratnog stanja, odnosno neposredne ratne opasnosti.

Član 4.

Za vrijeme ratnog stanja, odnosno neposredne ratne opasnosti ne teku rokovi za podnošenje tužbe za brisanje upisa prava svojine izvršenih na osnovu pravosnažnih rješenja donesenih nakon 30. aprila 1991. godine do dana stupanja na snagu ove uredbe.

Član 5.

Ova uredba stupa na snagu danom objavljivanja u "Službenom listu RBiH".

PR broj 1357/92
11. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

511

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 11. novembra 1992. godine, donosi

UREDBU

SA ZAKONSKOM SNAGOM O IZMJENAMA I DOPUNAMA ZAKONA O PROMETU NEPOKRETNOSTI

Član 1.

U Zakonu o prometu nepokretnosti ("Službeni list SRBiH", br. 38/78, 4/89, 29/90 i 22/91), u članu 3. stav 1. mijenja se i glasi:

"Šume i šumska zemljišta u društvenoj svojini mogu se otuđivati samo ako je to određeno zakonom."

Član 2.

U članu 5. st. 1. i 2. mijenjaju se i glase:

"Nosioци prava svojine na nepokretnostima u društvenoj svojini, u smislu ove uredbe, su preduzeća, fondovi i drugi oblici organizovanja koji imaju svojstvo pravnog lica, društveno-političke zajednice, mjesne zajednice, političke i društvene organizacije (u daljem tekstu: društvena pravna lica).

Preduzeća, fondovi i oblici organizovanja koji imaju svojstvo pravnog lica, društveno-političke zajednice i mjesne zajednice mogu pravnim poslovima, uz naknadu ili bez naknade, pribavljati, otuđivati, zamjenjivati i prenositi pravo svojine, pravo raspolaganja i druga prava na nepokretnosti pod uslovima određenim zakonom".

U stavu 3. riječi: "Društveno-političke organizacije i druge zakonom određene društvene organizacije" zamjenjuju se riječima: "Političke i društvene organizacije".

Član 3.

Iza člana 8. dodaje se novi član 8a, koji glasi:

"Član 8a.

Odredbe ove uredbe ne primjenjuju se na prodaju stambenih zgrada i stanova u društvenoj svojini i svojini države na kojima je stečeno stanarsko pravo.

Kada se stambena zgrada ili stan kao poseban dio zgrade na kojima je stečeno stanarsko pravo otuđuje iz društvene svojine i svojine države, to otuđenje može se vršiti pod uslovima predviđenim propisima iz stambene oblasti".

Član 4.

Član 9. mijenja se i glasi:

"Ugovor o prometu nepokretnosti zaključuje se u pismenom obliku.

Ugovor koji je zaključen protivno odredbi stava 1. ovog člana ne proizvodi pravno dejstvo".

Član 5.

Član 9a. briše se.

Član 6.

Član 11. briše se.

Član 7.

U članu 15. stav 1. mijenja se i glasi:

"Poljoprivredno zemljište u društvenoj svojini koje se ne obrađuje, opština može davati na privremeno korišćenje ili u zakup nosiocima prava svojine u svrhu poljoprivredne obrade".

Stav 2. briše se.

Dosadašnji stav 3. postaje stav 2.

Član 8.

U članu 16. dodaje se novi stav 4, koji glasi:

"Pravno lice koje posluje sredstvima u mješovitoj svojini može zgrade, odnosno stanove i poslovne prostorije kao posebne dijelove zgrade otuđivati samo uz naknadu u visini prometne vrijednosti nepokretnosti".

Član 9.

U članu 16a. u stavu 2. riječ "zakup" zamjenjuje se riječima: "dugoročni zakup, kao i u zakup na određeno vrijeme".

Član 10.

Član 17. briše se.

Član 11.

U članu 18. stav 3. mijenja se i glasi:

"Novčanim iznosom dobivenim za otuđenu zgradu ili posebni dio zgrade društveno pravno lice dužno je raspolagati u skladu sa propisima o otkupu stanova iz društvene svojine".

Iza stava 3. dodaje se novi stav 4, koji glasi:

"Način upotrebe, sredstava, propisan u st. 1, 2. i 3. ovog člana, odnosi se i na pravno lice koje posluje sredstvima u mješovitoj svojini u pogledu novčanog iznosa koji odgovara udjelu društvenog kapitala u imovini pravnog lica koje posluje sredstvima u mješovitoj svojini".

Član 12.

U članu 19. dodaje se novi stav 4, koji glasi:

"Odredbe st. 1. 2. i 3. ovog člana odnose se i na prodaju nepokretnosti koje se nalaze u imovini pravnih lica koja posluju sredstvima u mješovitoj svojini".

Član 13.

Član 20. briše se.

Član 14.

U članu 21. u stavu 1. riječi: "društvene zajednice" zamjenjuju se riječju "države".

Stav 4. briše se.

Član 15.

Iza člana 21. dodaje se novi član 21a, koji glasi:

"Član 21a.

"Jednostrane izjave volje kao i drugi pravni poslovi koji su zaključeni nakon 30. aprila 1991. godine kojima je vlasnik nepokretnosti u svojini građana odnosno pravno lice koje je nosilac prava raspolaganja na nepokretnosti u društvenoj svojini, odnosno mješovitoj svojini pod djelovanjem prinude, preware i sile prenijelo pravo vlasništva na drugo fizičko ili pravno lice, ništave su i ne predstavljaju osnov za sticanje prava vlasništva na predmetnim nekretninama.

Ništavi su i ugovori na osnovu kojih su treća lica stekla pravo vlasništva na nekretninama pod uslovima iz stava 1. ovog člana.

Svi upisi vlasništva u javnim knjigama o evidenciji nekretnina izvršeni na osnovu jednostranih izjava volje i pravnih poslova iz st. 1. i 2. ovog člana, ništavi su i ne proizvode pravno dejstvo".

Član 16.

Član 22. mijenja se i glasi:

"Društveno pravno lice može tražiti poništaj ugovora na osnovu kojeg je otuđilo nepokretnosti iz društvene svojine u korist nosioca prava svojine, ako je u vrijeme zaključenja ugovora postojala očigledna nesrazmjera između onog što je dato iz društvene svojine i onog što je pribavljeno u društvenu svojinu.

Neznanje prave vrijednosti davanja u vrijeme zaključenja ugovora nije uslov za poništaj ugovora u smislu stava 1. ovog člana.

Primjena odredaba st. 1. i 2. ovog člana ugovorom se ne može isključiti.

Ugovor iz stava 1. ovog člana ostaće na snazi ako druga ugovorna strana ponudi dopunu do prave vrijednosti.

Poništaj ugovora u smislu st. 1, 2. i 3. ovog člana ne može se tražiti ako je društveno pravno lice otuđilo nepokretnost iz društvene svojine putem javnog nadmetanja.

Odredbe st. 1, 2, 3, 4. i 5. ovog člana odnose se i na poništaj ugovora na osnovu kojeg je pravno lice koje posluje sredstvima u mješovitoj svojini otuđilo nepokretnosti iz svoje imovine".

Član 17.

Član 23. mijenja se i glasi:

"Društveno pravno lice, odnosno pravno lice koje posluje sredstvima u mješovitoj svojini dužno je da primjerak ugovora na osnovu kojeg je otuđilo nepokretnost iz društvene svojine, odnosno svoje imovine u korist nosioca prava svojine, zajedno sa ispravama o procjeni vrijednosti, dostavi javnom pravobranilaštvu na čijem području se nepokretnost nalazi, odnosno Republičkom javnom pravobranilaštvu, ako se radi o nepokretnosti Republike Bosne i Hercegovine, u roku od 15 dana po zaključenju ugovora.

Bez dokaza da je nadležnom javnom pravobranilaštvu dostavljen ugovor iz stava 1. ovog člana, neće se izvršiti provođenje toga ugovora u katastru nekretnina, odnosno u zemljišnoj knjizi."

Član 18.

Član 24. mijenja se i glasi:

"Ukoliko nadležno javno pravobranilaštvo ocijeni da u ugovoru na osnovu kojeg je otuđena nepokretnost iz društvene svojine u korist nosioca prava svojine, odnosno kojim je otuđena nepokretnost iz imovine pravnog lica koje posluje sredstvima u mješovitoj svojini postoji očigledna nesrazmjera između onog što je dato iz društvene svojine, odnosno društvenog kapitala, pozvat će ugovorne strane da ovu nesrazmjernost otklone u roku od 30 dana.

U protivnom nadležno javno pravobranilaštvo će u daljem roku od 60 dana podnijeti tužbu za poništaj ugovora.

Uz tužbu za poništaj ugovora iz stava 1. ovog člana traži se povraćaj nepokretnosti od kupca.

Zahtjev za povraćaj nepokretnosti može se postaviti i prema trećem licu, ako je ono prilikom sticanja nepokretnosti bilo nesavjesno.

Odredbama st. 1. i 2. ovog člana ne dira se u prava ugovornih strana da zahtijevaju poništaj ugovora po drugom osnovu."

Član 19.

Član 25. mijenja se i glasi:

"Nadležno javno pravobranilaštvo može podnijeti i tužbu za utvrđenje ništavosti ugovora zaključenih protivno prinudnim propisima o otuđenju nepokretnosti iz društvene svojine, odnosno iz imovine pravnih lica koja posluje sredstvima u mješovitoj svojini."

Član 20.

U članu 27. u stavu 3. riječi: "republički sekretar" zamjenjuju se riječju "ministar", a riječi: "Izvršnog vijeća Skupštine" zamjenjuju se riječju "Vlade Republike Bosne i Hercegovine".

Član 21.

U članu 29. u stavu 1. riječi: "opštini na čijem se području emlište nalazi" zamjenjuju se riječju "suvlasniku".

Stavovi 2. i 3. brišu se.

Član 22.

Član 30. mijenja se i glasi:

"Vlasnik poljoprivrednog zemljišta, šuma i šumskog zemljišta, koji to zemljište namjerava prodati, dužan je da ga prethodno ponudi na prodaju suvlasniku."

Član 23.

U članu 31. u stavu 1. iza riječi "suvlasniku", dodaje se riječ "odnosno", a iza riječi "prava" zarez se zamjenjuje tačkom, a preostali dio teksta briše se.

Član 24.

U članu 32. u stavu 1. iza riječi "suvlasniku", dodaje se riječ "odnosno", a iza riječi "godina" zarez se zamjenjuje tačkom, a preostali dio teksta briše se.

Član 25.

U članu 34. broj "60" zamjenjuje se brojem "30".

Član 26.

Članovi 37, 38, 39, 40. i 42. brišu se.

Član 27.

U članu 44. stav 1. mijenja se i glasi:

"Preduzeće ili drugo društveno pravno lice koje otuđi nepokretnosti iz društvene svojine u korist nosioca prava svojine protivno odredbama člana 10. stav 2. i člana 19. ove uredbe, kazniće se za prekršaj novčanom kaznom do 4.000 dinara."

U stavu 2. riječi: "organizacija udruženog rada" zamjenjuju se riječju "preduzeće".

U stavu 3. riječi: "150 dinara" zamjenjuju se riječima "400 dinara", a riječi: "organizaciji udruženog rada" zamjenjuju se riječju "preduzeću".

Član 28.

Član 45. briše se.

Član 29.

Član 46. mijenja se i glasi:

"Svi ugovori o prometu nepokretnosti zaključeni u pisanom obliku do dana stupanja na snagu ove uredbe, kao i ugovori o prometu nepokretnosti zaključeni do tog dana, koji nisu sačinjeni u pisanom obliku, a ugovorne strane su ispunile u cjelini ili u pretežnom dijelu ugovorne obaveze punovažni su.

Odredba stava 1. ovog člana primjenjivaće se i u zatečenim postupcima pred sudom ako nije donesena prvostepena odluka, odnosno ako prvostepena odluka bude ukinuta."

Član 30.

Član 47. mijenja se i glasi:

"Pravo preče kupovine opština i drugih pravnih lica u smislu odredaba čl. 29, 30, 31. i 32. Zakona o prometu nepokretnosti prestaju da važe danom stupanja na snagu ove uredbe.

Pravo iz stava 1. ovog člana prestaje i kada su se ispunili uslovi za ostvarivanje tog prava do dana stupanja na snagu ove uredbe, ako do tog dana nije pokrenuta parnica."

Član 31.

Iza člana 48. dodaje se novi član 48a, koji glasi:

"Član 48a.

Odredbe čl. 16a, 16b, 16c, 16d. i 16e. Zakona o prometu nepokretnosti primjenjivat će se do donošenja Zakona o repri-vatizaciji".

Član 32.

Ovlašćuje se Komisija za organizaciono-kadrovska pitanja Predsjedništva Republike Bosne i Hercegovine da utvrdi Prečišćeni tekst Zakona o prometu nepokretnosti.

Član 33.

Ova uredba stupa na snagu danom objavljivanja u "Službenom listu RBiH".

PR broj 1359/92

11. novembra 1992. godine

Sarajevo

Predsjednik

Predsjedništva RBiH,

Alija Izetbegović, s. r.

=====

512

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU

SA ZAKONSKOM SNAGOM O POLOŽAJU I
OVLAŠTENJIMA CRVENOG KRSTA - CRVENOG
KRIŽA BOSNE I HERCEGOVINE

Član 1.

Crveni krst Bosne i Hercegovine (u daljem tekstu: Crveni krst) je dobrovoljna humanitarna organizacija građana Republike Bosne i Hercegovine koja u miru i za vrijeme elementarnih i drugih nepogoda, vanrednog stanja, u slučaju neposredne ratne opasnosti i ratnog stanja, na principima nepristrasnosti, neutralnosti i jedinstva organizacije ostvaruje određene humanitarne ciljeve i zadatke u oblasti zdravstva, socijalne politike, vaspitanja i službe traženja.

U nazivu organizacije se ravnopravno upotrebljava i naziv Crveni križ Bosne i Hercegovine.

Crveni krst vrši javna ovlaštenja preko organizacija i službi čija se organizacija, djelokrug i način rada utvrđuju statutom.

Član 2.

Znak Crvenog krsta je krst crvene boje koji ima četiri jednaka kraka na bijelom polju.

Član 3.

Crveni krst u vršenju javnih ovlaštenja određenih ovom uredbom saraduje sa Međunarodnim komitetom Crvenog krsta, Ligom društava Crvenog krsta i Crvenog polumjeseca, Savjetom delegata Međunarodnog pokreta Crvenog krsta i Crvenog polumjeseca, Stalnom komisijom Crvenog krsta i Crvenog polumjeseca, nacionalnim društvima Crvenog krsta, Crvenog polumjeseca, Crvenog lava i Crvenog sunca i sa drugim srodnim nacionalnim i međunarodnim humanitarnim, socijalnim i zdravstvenim organizacijama.

Član 4.

Crveni krst vrši sljedeća javna ovlaštenja:

1. učestvuje u organizovanju i pružanju socijalne pomoći i zdravstvene zaštite građanima u slučaju elementarnih nepogoda, epidemija i drugih većih nesreća;

2. radi na zdravstveno-socijalnoj zaštiti i na zdravstvenom prosvjećivanju stanovništva i učestvuje u organizovanju raznih oblika međusobne pomoći građana u duhu humanizma i solidarnosti;

3. učestvuje u organizovanju pomoći za žrtve elementarnih nepogoda i oružanih sukoba i raspoređuje pomoć primljenu od nacionalnih i međunarodnih društava iz člana 3. ove uredbe;

4. organizuje prikupljanje pomoći u Republici Bosni i Hercegovini i slanje u inostranstvo pomoći koju državni organi, preduzeća i drugi darodavci pružaju radi ublažavanja posljedica elementarnih nepogoda, epidemija ili oružanih sukoba;

5. saraduje sa zdravstvenom službom, sanitetskom službom oružanih snaga Republike Bosne i Hercegovine i civilnom zaštitom na zbrinjavanju povrijeđenih i oboljelih u slučaju oružanog sukoba, elementarnih i drugih nesreća;

6. učestvuje u prihvatanju i smještaju evakuisanog stanovništva i sprovođenju drugih mjera koje mogu doprinijeti zbrinjavanju nastradalog i ugroženog stanovništva;

7. učestvuje u obučavanju stanovništva u pružanju prve medicinske pomoći;

8. vrši poslove koji proističu iz odredaba Ženevskih konvencija o zaštiti žrtava rata od 12. avgusta 1949. godine (u daljem tekstu: Ženevska konvencija) i drugih međunarodnih obaveza koje je preuzela Republika Bosna i Hercegovina u toj oblasti;

9. vrši i druge poslove koji su određeni zakonom.

Član 5.

U Crvenom krstu obrazuje se Služba traženja radi vršenja poslova obavještavanja o žrtvama rata predviđenih Ženevskim konvencijama o zaštiti žrtava rata od 12. avgusta 1949. godine, evidentiranja djece odvojene od roditelja usljed ratnih sukoba, kao i radi traženja lica koja su nestala usljed ratnih događaja.

Crveni krst uređuje organizaciju Službe traženja, način prikupljanja podataka o žrtvama rata i obavještavanja o žrtvama oružanih sukoba, kao i vršenja drugih poslova koji proističu iz Ženevskih konvencija o zaštiti žrtava rata od 12. avgusta 1949. godine.

Vlada Republike Bosne i Hercegovine daje saglasnost na propise o organizaciji Službe traženja iz stava 2. ovog člana.

Član 6.

U vršenju javnih ovlaštenja određenih ovom uredbom, Crveni krst saraduje sa državnim organima, organizacijama i fondovima u oblasti zdravstva, penzijskog i invalidskog osigu-

ranja, socijalne zaštite i obrazovanja, sa oružanim snagama Republike Bosne i Hercegovine i civilnom zaštitom, diplomatskim i konzularnim predstavništvima, kao i sa drugim organizacijama, zajednicama, fondovima i udruženjima građana, kad je to od zajedničkog interesa.

Organi, organizacije, fondovi i zajednice iz stava 1. ovog člana dužni su, u okviru svog djelokruga, da pružaju pomoć Crvenom krstu radi izvršavanja njegovih zadataka.

Član 7.

Sredstva za finansiranje poslova iz člana 5. ove uredbe i drugih poslova iz nadležnosti Republike Bosne i Hercegovine koji proističu iz međunarodnih ugovora u čijem izvršavanju učestvuje Crveni krst obezbjeđuju se u republičkom budžetu.

Član 8.

U vršenju javnih ovlaštenja Crveni krst ostvaruje sredstva od naknade za usluge koje vrši u skladu sa ovom uredbom, od priloga, poklona i zavještaja pravnih lica i građana i iz drugih izvora utvrđenih propisima i statutom Crvenog krsta.

Za ostvarivanje svojih zadataka Crveni krst koristi i posebna sredstva koja društveno-političke zajednice izdvajaju u tu svrhu.

Član 9.

Crveni krst vrši poslove iz čl. 3. i 5. ove uredbe u skladu sa smjernicama Vlade Republike Bosne i Hercegovine.

Član 10.

U slučaju elementarne nepogode, epidemije ili druge veće nesreće, Crveni krst u izvršenju svojih zadataka i poslova, ima pravo prvenstva u prevozu lica i materijala na svim sredstvima javnog saobraćaja, kao i pravo prvenstva saopštavanja vijesti putem sredstava javnog informisanja.

Član 11.

Za izvršenje svojih zadataka Crveni krst stiče sredstva:

- od članarine redovnih i pomažućih članova,
- od priloga građana i pravnih lica, poklona i zavještaja,
- od prihoda ostvarenih iz organizovanih akcija povodom "Nedjelje Crvenog krsta Bosne i Hercegovine" i "Nedjelje borbe protiv tuberkuloze",
- od prihoda ostvarenih u skladu sa čl. 12. i 14,
- od prihoda ostvarenih preko fondova zdravstvene zaštite, dječije i socijalne zaštite i drugih za izvršenje ugovorenih programa,
- od vlastitih uslužnih i drugih djelatnosti utvrđenih statutom,
- od Lutrije Bosne i Hercegovine, iz prihoda ostvarenih od igara na sreću,
- od prihoda imovine i prava Crvenog krsta,
- iz budžeta društveno-političke zajednice,
- iz drugih izvora utvrđenih statutom, u skladu sa ovom uredbom i drugim propisima.

Član 12.

Preduzeća i druga pravna lica, kao i građani i njihova udruženja, koji organizuju priredbe (kulturne, bioskopske, zabavne, sportske i druge), na koje je dozvoljen pristup plaćenim ulaznicama, dužni su da na svaku prodatu ulaznicu u korist Crvenog krsta naplaćuju iznos utvrđen Odlukom Vlade Republike Bosne i Hercegovine.

Neće se smatrati priredbama u smislu prethodnog stava izložbe slika, skulptura ili drugih predmeta, umjetničke ili druge vrijednosti, pozorišne predstave, kao ni priredbe koje organizuju učenici i studenti u krugu škola i fakulteta za učenike, odnosno studente.

nošenje znaka crvenog križa dobiju odobrenje Crvenog križa Bosne i Hercegovine;

3. mjesta određena za pružanje prve medicinske pomoći u naseljima, na saobraćajnicama, u preduzećima i drugim organizacijama i zajednicama, kao i mjesta na kojima je smješten sanitetski materijal i oprema koji služe za pružanje prve medicinske pomoći.

Član 6.

U miru i ratu znak crvenog križa upotrebljavaju, odnosno kao znakom pripadnosti, označavaju se:

1. radnici, zgrade, sredstva i materijal Crvenog križa Bosne i Hercegovine;

2. osoblje, sredstva i materijal stranih organizacija Crvenog križa za vrijeme dok u Republici Bosni i Hercegovini, po odobrenju Vlade Republike Bosne i Hercegovine, vrše djelatnost Crvenog križa.

U ratu, znak pripadnosti koji upotrebljavaju organizacije i lica iz stava 1. ovog člana, mora biti manjih razmjera od znaka zaštite i ne smije se stavljati na traku oko ruke, na krov zgrade i na prevozna sredstva.

U miru i ratu znak crvenog križa se upotrebljava, odnosno nosi kao znak označavanja i kao znak zaštite lica, sanitetskih jedinica i ustanova, zgrada, uređaja, sanitetskog materijala i prevoznih i prenosnih sredstava (kopnenih, pomorskih i vazduhoplovnih) koji pripadaju sanitetskoj službi oružanih snaga Republike Bosne i Hercegovine i civilnoj zaštiti.

Odredbe stava 3. ovog člana odnose se i na sanitetsku službu oružanih snaga drugih država za vrijeme dok na teritoriji Republike Bosne i Hercegovine, na osnovu odobrenja Vlade Republike Bosne i Hercegovine vrši sanitetsku djelatnost.

Član 7.

U ratu znak crvenog križa upotrebljava se, odnosno nosi kao znak zaštite:

1. zgrada, uređaja, sanitetskog materijala, prevoznih i prenosnih sredstava i radnika u zdravstvenim organizacijama;

2. zgrada, uređaja, sanitetskog materijala i prevoznih i sredstava Crvenog križa Bosne i Hercegovine i lica određenih za pronalaženje, prikupljanje, prenošenje i njegu ranjenika i bolesnika ili za sprečavanje bolesti;

3. jedinica civilne zaštite za pružanje prve medicinske pomoći;

4. bolesničkih brodova;

5. ekipa za pružanje prve medicinske pomoći koje organizuju zdravstvene organizacije, preduzeća, organizacije i zajednice i Crveni križ Bosne i Hercegovine za vrijeme dok obavljaju te poslove;

6. sredstva kopnenog, vodenog i vazdušnog saobraćaja koja služe za prenošenje brodolomnika, ranjenika, bolesnika i sanitetskog materijala (sanitetski transport).

Izuzetno od odredaba stava 1. ovog člana, Ministarstvo zdravlja, na teritoriji Republike Bosne i Hercegovine, može ograničiti upotrebu odnosno nošenje crvenog križa kao znaka zaštite pojedinih zgrada i uređaja, prenosnih i prevoznih sredstava i lica iz stava 1. ovog člana ako to zahtijevaju posebni interesi odbrane.

U ratu znak crvenog križa se upotrebljava, odnosno nosi kao znak zaštite osoblja, zgrada, uređaja, sanitetskog materijala i prenosnih i prevoznih sredstava u sastavu sanitetskih službi stranih organizacija Crvenog križa, Crvenog polumjeseca i drugih stranih dobrovoljnih društava za pomoć, kad, po odobrenju Vlade Republike Bosne i Hercegovine vrše sanitetsku djelatnost na teritoriji Republike Bosne i Hercegovine.

Član 8.

U ratu znak crvenog križa upotrebljava se kao znak označavanja i kao znak zaštite sanitetskih zona i mjesta određenih

radi zaštite ranjenika i bolesnika, kao i lica koja u tim zonama i mjestima rade na zbrinjavanju i njezi ranjenika i bolesnika koji su u njima smješteni.

Sanitetske zone iz stava 1. ovog člana određuje Vlada Republike Bosne i Hercegovine, na prijedlog Ministarstva zdravlja.

Član 9.

Lica iz člana 7. ove uredbe koja imaju pravo na nošenje znaka crvenog križa moraju u ratu imati legitimaciju sa svojom fotografijom sa utisnutim suvim žigom koja služi kao dokaz da rade u određenim organizacijama, odnosno zajednicama u određenom svojstvu. U legitimaciji moraju biti označeni poslovi koje ta lica vrše.

Lica iz člana 7. ove uredbe moraju, dok su na službi, imati kod sebe legitimaciju iz stava 1. ovog člana i na lijevoj ruci nositi traku sa znakom crvenog križa i otiskom žiga otpornim na vlagu.

Ministar zdravlja izdaje legitimaciju iz stava 1. i traku iz stava 2. ovog člana određenim licima u slučaju neposredne ratne opasnosti i ratnog stanja i o tome vodi evidenciju.

Ministar odbrane propisuje način označavanja znakom crvenog križa vojnih sanitetskih jedinica i ustanova, zgrada, uređaja, sanitetskog materijala i transportnih sredstava koji su u sastavu sanitetske službe oružanih snaga Republike Bosne i Hercegovine, određuje organe oružanih snaga koje mogu ograničiti upotrebu, odnosno nošenje znaka crvenog križa kao znaka zaštite u vojnim sanitetskim jedinicama i ustanovama, kao i organe oružanih snaga koji će se starati o primjeni tih propisa.

Član 10.

Sanitetski transport, organizacije i jedinice, sanitetski materijal, uređaji i prevozna i prenosna sredstva iz člana 7. ove uredbe, kao i sanitetske zone i mjesta iz člana 8. ove uredbe u ratu upotrebljavaju znak crvenog križa kao znak zaštite i obilježavaju se znakom crvenog križa na vidljiv način i na određenom mjestu.

Član 11.

U vršenju nadzora nad izvršavanjem ove uredbe Ministarstvo zdravlja ima pravo i dužnost:

1. da naredi uklanjanje znaka crvenog križa koji se upotrebljava, odnosno nosi protivno uslovima propisanim ovom uredbom i propisima donesenim na osnovu nje;

2. da naredi druge mjere potrebne za sprovođenje ove uredbe i propisa donesenih na osnovu nje;

3. da, u slučaju povrede odredaba ove uredbe podnese nadležnom organu zahtjev za pokretanje prekršajnog postupka.

Član 12.

Crveni križ Bosne i Hercegovine uređuje način upotrebe znaka i naziva u vršenju svoje djelatnosti.

Crveni križ Bosne i Hercegovine može Ministarstvu zdravlja predlagati mjere od značaja za pravilno korištenje znaka crvenog križa i sprečavanje njegove zloupotrebe.

Član 13.

Upoznavanje stanovništva Republike Bosne i Hercegovine sa tekstom Ženevske konvencije vrši Crveni križ Bosne i Hercegovine.

Obuka lica u oružanim snagama Republike Bosne i Hercegovine i radnika u zdravstvenim organizacijama sa tekstom Ženevske konvencije vrše nadležni organi u oružanim snagama, odnosno u zdravstvenim organizacijama.

Obuka studenata visokoškolskih ustanova sa tekstom Ženevske konvencije vršiće se kroz nastavne i obrazovne programe u skladu sa propisom Ministarstva obrazovanja, nauke, kulture i sporta.

Član 14.

Ovlašćuje se ministar zdravlja da, na prijedlog Crvenog križa Bosne i Hercegovine, donese propise:

1. o načinu upotrebljavanja znaka crvenog križa - kao znaka označavanja i znaka zaštite (čl. 5. i 7);
2. o legitimaciji i traci korisnika znaka crvenog križa u slučaju neposredne ratne opasnosti i ratnog stanja i vođenju evidencije o izdatim legitimacijama i trakama (član 9).

Član 15.

Novčanom kaznom od 300 do 120.000 dinara kazniće se za prekršaj zdravstvena organizacija, ili drugo pravno lice, ako:

1. upotrijebi naziv crvenog križa, a za to nema pravo (član 4);
2. upotrijebi znak crvenog križa, kao znak označavanja, kao znak pripadnosti ili kao znak zaštite protivno odredbama čl. 5, 6. i 7. ove uredbe.

Za prekršaj iz stava 1. ovog člana kazniće se i odgovorno lice u zdravstvenoj organizaciji ili drugom pravnom licu novčanom kaznom od 1.000 do 50.000 dinara.

Član 16.

Novčanom kaznom od 300 do 25.000 dinara kazniće se za prekršaj pojedinac, ako:

1. u ratu nosi i upotrebljava znak crvenog križa kao znak zaštite, a nema svojstvo lica iz člana 7. stav 1. ove uredbe;
2. za vrijeme službe ne nosi legitimaciju i traku sa znakom crvenog križa iz člana 9. ove uredbe ili ako izgubi svojstvo lica na osnovu kojeg je dobilo legitimaciju i traku, a iste ne vrati nadležnom organu (član 9).

Član 17.

Danom stupanja na snagu ove uredbe prestaje da važi zakon o upotrebi i zaštiti znaka i naziva crvenog krsta ("Službeni list SFRJ", br. 13/82 i 24/88), koji je Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuje kao republički zakon ("Službeni list RBiH", broj 2/92) preuzet i primjenjuje se kao republički zakon.

Član 18.

Ova uredba stupa na snagu danom objavljivanja u "Službenom listu RBiH".

PR broj 1352/92
10. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

514

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 10. novembra 1992. godine, donosi

UREDBU

SA ZAKONSKOM SNAGOM O DOPUNAMA UREDBE
SA ZAKONSKOM SNAGOM O PRIMJENI ZAKONA O
REDOVNIM SUDOVIMA ZA VRIJEME NEPOSREDNE
RATNE OPASNOSTI ILI ZA VRIJEME RATNOG
STANJA

Član 1.

U Uredbi sa zakonskom snagom o primjeni Zakona o redovnim sudovima za vrijeme neposredne ratne opasnosti ili za vrijeme ratnog stanja ("Službeni list RBiH", br. 6/92 i 11/92), iza člana 2. dodaju se novi članovi 2a, 2b. i 20, koji glase:

Član 2a.

Ako zbog ratnih okolnosti Vrhovni sud Bosne i Hercegovine ne može vršiti sudsku funkciju na dijelu teritorije Republike Bosne i Hercegovine za taj dio teritorije obrazovao se odjeljenje Vrhovnog suda Bosne i Hercegovine kao njegova organizaciona jedinica.

Odluku o obrazovanju, sjedištu i području odjeljenja iza stava 1. ovog člana donosi Vlada Republike Bosne i Hercegovine na prijedlog ministra pravosuđa i uprave.

Član 2b.

Ako zbog ratnih okolnosti osnovni ili viši sud ne može vršiti sudsku funkciju u zakonom utvrđenom sjedištu, predsjedništvo okruga će odrediti sjedište u drugom mjestu na području za koje je taj sud osnovan.

Član 20.

Ako zbog ratnih okolnosti osnovni ili viši sud ne može vršiti sudsku funkciju na cijelom ili dijelu područja za koje je osnovan, sudsku funkciju će vršiti najbliži stvarno nadležni osnovni odnosno viši sud koji je, u tim okolnostima, u mogućnosti da funkciju vrši."

Član 2.

Ova uredba stupa na snagu danom objavljivanja u "Službenom listu RBiH".

PR broj 1344/92
10. novembra 1992. godine
Sarajevo

Predsjednik
Predsjedništva RBiH,
Alija Izetbegović, s. r.

515

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 10. novembra 1992. godine, donosi

UREDBU

SA ZAKONSKOM SNAGOM O NEPRIMJENJIVANJU
ZAKONA O UZURPACIJAMA ZA VRIJEME RATNOG
STANJA ILI U SLUČAJU NEPOSREDNE RATNE
OPASNOSTI

Član 1.

Zakon o uzurpacijama ("Službeni list SRBiH", broj 6/78) neće se primjenjivati za vrijeme ratnog stanja ili u slučaju neposredne ratne opasnosti.

Zabrana iz stava 1. ovog člana ne odnosi se na primjenu odredaba čl. 16. i 33. Zakona o uzurpacijama.

Član 2.

Ako se u toku postupka utvrdi da je uzurpacija izvršena poslije 6. aprila 1941. godine, organ uprave će donijeti rješenje kojim će odrediti da je uzurpant dužan napustiti uzurpirano zemljište i ukloniti objekte ako su podignuti na tom zemljištu.

Određbe stava 1. ovog člana odnose se i na uzurpirana zemljišta u opštoj upotrebi.

Rok za napuštanje zemljišta i uklanjanje objekata je osam dana od dana pravosnažnosti rješenja.

Ako uzurpant u roku iz stava 3. ovog člana ne napusti uzurpirano zemljište i ne ukloni podignute objekte, organ uprave će izvršiti rješenje prinudnim putem.

Član 3.

Postupci za raspravljanje uzurpacija izvršenih prije 6. aprila 1941. godine započeti nakon 30. aprila 1991. godine nastaviće se po proteku tri mjeseca nakon prestanka ratnog stanja, odnosno neposredne ratne opasnosti.

Član 4.

Upis prava svojine po osnovu pravosnažnih rješenja donesenih u periodu od 30. aprila 1991. godine do dana stupanja na snagu ove uredbe neće se vršiti u zemljišnim knjigama, odnosno evidenciji nekretnina, za vrijeme ratnog stanja ili u slučaju neposredne ratne opasnosti, kao i u periodu od tri mjeseca nakon prestanka ratnog stanja, odnosno neposredne ratne opasnosti.

Član 5.

Ova uredba stupa na snagu danom objavljivanja u "Službenom listu RBiH".

PR broj 1341/92 Predsjednik
10. novembra 1992. godine Predsjedništva RBiH,
Sarajevo Alija Izetbegović, s. r.

516

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 10. novembra 1992. godine, donosi

UREDBU

SA ZAKONSKOM SNAGOM O IZMJENI ZAKONA O
DRŽAVNOJ UPRAVI

Član 1.

U Zakonu o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91) i ("Službeni list RBiH", broj 4/92) u članu 365. u stavu 3. riječi: "30. septembra 1992." zamjenjuju se riječima: "31. decembra 1993".

Član 2.

U Uredbi sa zakonskom snagom o izmjenama i dopunama Zakona o državnoj upravi ("Službeni list RBiH", broj 4/92) član 105. briše se.

Član 3.

Ovlašćuje se Komisija za organizaciono-kadrovska pitanja Predsjedništva Republike Bosne i Hercegovine da utvrdi Prečišćeni tekst Zakona o državnoj upravi.

Član 4.

Ova uredba stupa na snagu danom objavljivanja u "Službenom listu RBiH".

PR broj 1340/92 Predsjednik
10. novembra 1992. godine Predsjedništva RBiH,
Sarajevo Alija Izetbegović, s. r.

517

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 10. novembra 1992. godine, donosi

UREDBU

SA ZAKONSKOM SNAGOM O DOPUNI UREDBE SA
ZAKONSKOM SNAGOM O OKRUŽNIM VOJNIM
SUDOVIMA

Član 1.

U Uredbi sa zakonskom snagom o okružnim vojnim sudovima ("Službeni list RBiH", broj 12/92) u članu 5. stav 2. dodaju se nove alineje koje glase:

- "Okružni vojni sud u Goraždu za područje okruga Goražde".
- "Okružni vojni sud u Livnu za područje okruga Livno".

- "Okružni vojni sud u Travniku za područje okruga Travnik".

Član 2.

Ova uredba stupa na snagu danom objavljivanja u "Službenom listu RBiH".

PR broj 1351/92 Predsjednik
10. novembra 1992. godine Predsjedništva RBiH,
Sarajevo Alija Izetbegović, s. r.

518

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 10. novembra 1992. godine, donosi

UREDBU

SA ZAKONSKOM SNAGOM O DOPUNI UREDBE SA
ZAKONSKOM SNAGOM O OKRUŽNIM VOJNIM
TUŽILAŠTVIMA

Član 1.

U Uredbi sa zakonskom snagom o okružnom vojnom tužilaštvu ("Službeni list RBiH", broj 12/92) u članu 4. stav 2. dodaju se nove alineje koje glase:

- "Okružno vojno tužilaštvo u Goraždu, za područje Okružnog vojnog suda u Goraždu".
- "Okružno vojno tužilaštvo u Livnu, za područje Okružnog vojnog suda u Livnu".
- "Okružno vojno tužilaštvo u Travniku, za područje Okružnog vojnog suda u Travniku".

Član 2.

Ova uredba stupa na snagu danom objavljivanja u "Službenom listu RBiH".

PR broj 1352/92 Predsjednik
10. novembra 1992. godine Predsjedništva RBiH,
Sarajevo Alija Izetbegović, s. r.

519

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, na sjednici od 10. novembra 1992. godine, donosi

UREDBU

SA ZAKONSKOM SNAGOM O DOPUNAMA
UREDBE SA ZAKONSKOM SNAGOM O PRIMJENI
ZAKONA O PREKRŠAJIMA ZA VRIJEME
NEPOSREDNE RATNE OPASNOSTI ILI ZA VRIJEME
RATNOG STANJA

Član 1.

U Uredbi sa zakonskom snagom o primjeni Zakona o prekršajima za vrijeme neposredne ratne opasnosti ili za vrijeme ratnog stanja ("Službeni list RBiH", br. 6/92 i 12/92), iz člana 2a. dodaju se novi članovi 2b. i 2c, koji glase:

"Član 2b.

Ako zbog ratnih okolnosti opštinski ili viši sud za prekršaje ne može vršiti funkciju u zakonom utvrđenom sjedištu, predsjedništvo okruga će odrediti sjedište u drugom mjestu na području za koje je taj sud osnovan.

Član 2c.

Ako zbog ratnih okolnosti opštinski ili viši sud za prekršaje ne može vršiti funkciju na cijelom ili dijelu područja za koje je

ODLUKU**O IZBORU PREDSEDNIKA VLADE REPUBLIKE BOSNE I HERCEGOVINE****I**

Za predsjednika Vlade Republike Bosne i Hercegovine imenuje se **MILE AKMADŽIĆ**, dosadašnji generalni sekretar Predsjedništva Republike Bosne i Hercegovine.

II

Ovu odluku objaviti u "Službenom listu RBiH".

Broj 02-111-843/92

Predsjednik

10. novembra 1992. godine

Predsjedništva RBiH,

Sarajevo

Alija Izetbegović, s. r.

525

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 10. novembra 1992. godine, donijelo je

ODLUKU**O USVAJANJU OSTAVKE ČLANA PREDSEDNIŠTVA REPUBLIKE BOSNE I HERCEGOVINE****I**

Usvaja se ostavka **KLJUIĆ STJEPANA** na dužnost člana Predsjedništva Republike Bosne i Hercegovine.

II

Ovu odluku objaviti u "Službenom listu RBiH".

Broj 02-111-850/92

Predsjednik

10. novembra 1992. godine

Predsjedništva RBiH,

Sarajevo

Alija Izetbegović, s. r.

526

Na osnovu člana 81. stav 3. Zakona o zdravstvenoj zaštiti životinja ("Službeni list SRBiH", broj 14/78), Vlada Republike Bosne i Hercegovine, donosi

ODLUKU**O VISINI TAKSE ZA DRŽANJE PASA****I**

Za držanje pasa plaća se, prilikom registracije, taksa u iznosu od 2.000 dinara po jednom psu.

II

Danom stupanja na snagu ove odluke prestaje da važi odluka o visini takse za držanje pasa ("Službeni list SRBiH", broj 10/91).

III

Ova odluka stupa na snagu danom objavljivanja u "Službenom listu RBiH".

V. broj 168/92

Potpredsjednik

19. novembra 1992. godine

Vlade RBiH,

Sarajevo

Makija Turajlić, s. r.

527

Na osnovu člana 65. Zakona o zdravstvenoj zaštiti životinja ("Službeni list SRBiH", broj 14/78), Vlada Republike Bosne i Hercegovine, donosi

ODLUKU**O VISINI I NAČINU NAPLATE NAKNADE ZA VETERINARSKO-SANITARNE PREGLEDE****I**

Naknada za veterinarsko-sanitarni pregled životinja za klanje i pregled mesa nakon klanja po jednom grlu plaća se za:

	Dinara
a) konje sa maleinizacijom i goveda	1.500
b) telad i ždrebad	1.000
c) svinje preko 20 kg sa trihinoskopijom	1.200
d) ovce i koze	300
e) jagnjad, jarad i prasad	200
f) perad	2
g) divljač i kuniće	10

II

Za veterinarsko-sanitarni pregled i kontrolu životinjskih namirnica na mjestu proizvodnje i uskladištenja, do njihovog stavljanja u promet, plaća se naknada po jedinici mjere i to za:

a) proizvode od mesa po 1 kg	5
b) mlijeko po 1 litru	0,05
c) proizvode od mlijeka po 1 kg	3
d) jaja po 1 komadu	0,10
e) proizvode od jaja po 1 kg	3
f) ribe po 1 kg	0,50
g) proizvode od riba po 1 kg	2
h) med, proizvode od rakova, školjki, puževa i žaba po 1 kg	5

III

Za veterinarsko-sanitarni pregled i kontrolu životinjskih proizvoda koji se vrše na tržnicama i pijacama, prije stavljanja u promet, ako takav pregled prethodno nije izvršen, plaća se naknada po jedinici mjere, i to za:

	Dinara
a) proizvode od mesa po 1 kg	150
b) zaklanu perad po komadu	50
c) mlijeko po 1 litru	1
d) proizvode od mlijeka po 1 kg	100
e) jaja sa lampiranjem po 1 komadu	1
f) riba po 1 kg	1
g) med po 1 kg	1

IV

Za veterinarsko-sanitarni pregled i kontrolu pošiljki životinja, životinjskih proizvoda (osim konzervi), životinjskih sirovina i životinjskih otpadaka koji se otpremaju prevoznim sredstvima izvan područja opštine, odnosno grada Sarajeva, pri utovaru, pretovaru i istovaru, te pošiljki kopitara i papkara koji se otpremaju pješice izvan područja opštine, odnosno grada Sarajeva, plaća se naknada u unutrašnjem prometu, i to za:

	Dinara
a) životinje, životinjske proizvode i sirovine, po jednom kamionu ili vagonu	2.500
b) životinjske otpatke po jednom kamionu ili vagonu	500
c) denčane pošiljke krupne stoke po jednom grlu, odnosno za svakih započelih deset grla sitne stoke ili 50 komada peradi	300
d) denčane pošiljke životinjskih proizvoda i sirovina do pet paketa	300
za svaki slijedeći paket	50
e) konje i goveda koji se otpremaju pješice po grlu	50
f) ovce koje se otpremaju pješice po grlu	20

Za veterinarsko-sanitarni pregled i kontrolu pošiljki namijenjenih za izvoz plaća se naknada iz stava 1. ovog člana uvećana za 50%.

V

Naplata naknade za veterinarsko-sanitarni pregled i kontrolu vrši se na osnovu ispostavljenog računa u skladu sa propisima o naplati naknade za izvršene usluge.

VI

Sredstva od naknade za izvršene veterinarsko-sanitarne preglede i kontrolu iz tač. I do IV ove odluke služe za pokriće stvarnih troškova vršenja veterinarsko-sanitarnih pregleda i kontrole, s tim što se eventualni ostatak sredstava može koristiti za finansiranje mjera za zdravstvenu zaštitu životinja.

VII

Danom stupanja na snagu ove odluke prestaje da važi Odluka o visini i načinu otplate naknade za veterinarsko-sani-tarne preglede ("Službeni list SRBiH", broj 6/92).

VIII

Ova odluka stupa na snagu danom objavljivanja u "Službe-nom listu RBiH".

V. broj 170/92 Potpredsjednik
19. novembra 1992. godine Vlade RBiH,
Sarajevo Hakija Turajlić, s. r.

528

Na osnovu člana 74. stav 3. Zakona o zdravstvenoj zaštiti životinja ("Službeni list SRBiH", broj 14/78), Vlada Republike Bosne i Hercegovine, donosi

ODLUKU

O VIŠINI TAKSE ZA UVJERENJE O ZDRAVSTVENOM STANJU ŽIVOTINJA

I

Za uvjerenje o zdravstvenom stanju životinja plaća se taksa po glavu i to za:

- goveda i kopitare	dinara 1.000,00
- telad i ždrebad do šest mjeseci	500,00
- svinje	400,00
- prasad do 20 kg	150,00
- ovce i koze, jagnjad i jarad	200,00
- perad	1,00
- piliće do sedam dana starosti	0,10
- kuniće	2,00
- visoku divljač	100,00
- nisku divljač	1,50
- ribe iz uzgajališta po kg	2,00
- pčele po jednoj košnici	200,00
- pse i mačke	300,00.

II

Danom stupanja na snagu ove odluke prestaje da važi Odluka o visini takse za uvjerenje o zdravstvenom stanju životinja ("Službeni list SRBiH", broj 6/92).

III

Ova odluka stupa na snagu danom objavljivanja u "Službe-nom listu RBiH".

V. broj 169/92 Potpredsjednik
19. novembra 1992. godine Vlade RBiH,
Sarajevo Hakija Turajlić, s. r.

529

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92), Vlada Republike Bosne i Hercegovine, donosi

RJEŠENJE

O DAVANJU SAGLASNOSTI NA CIJENE OSNOVNIH USLUGA U UNUTRAŠNjem POŠTANSKOM, TELEGRAFSKOM I TELEFONSKOM SAOBRAĆAJU

1. Daje se saglasnost Javnom preduzeću PTT saobraćaja Bosne i Hercegovine - Sarajevo da može cijene osnovnih usluga u unutrašnjem poštanskom, telegrafskom i telefonskom saobraćaju, povećati za 75 %, s tim da se cijena telefonske pretplate povećava za 173 %.

2. Cijene PTT usluga iz tačke 1. ovog rješenja će se primjenjivati od 1. decembra 1992. godine.

3. Obavezuje se Javno preduzeće PTT saobraćaja BiH - Sarajevo da cjenovnike, usaglašene sa ovim rješenjem, dostavi Ministarstvu robnog prometa, poduzetništva i turizma, u roku od tri dana od početka primjene cijena iz ovog rješenja.

4. Ovo rješenje objaviće se u "Službenom listu RBiH".

V. broj 173/92
24. novembra 1992. godine
Sarajevo

Predsjednik
Vlade RBiH,
Mile Akmađić, s. r.

530

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92), Vlada Republike Bosne i Hercegovine, donosi

RJEŠENJE

O DAVANJU SAGLASNOSTI NA CIJENE UGLJA ZA TERMoeLEKTRANE

1. Daje se saglasnost rudnicima uglja u Republici Bosni i Hercegovini da cijene uglja za termoelektrane mogu povećati za 462 %.

2. Cijene uglja za termoelektrane će se primjenjivati od 1. decembra 1992. godine.

3. Rudnici uglja dužni su da cjenovnik usaglašen sa ovim rješenjem dostave Ministarstvu robnog prometa, poduzetništva i turizma, u roku od tri dana od dana početka primjenjivanja cijena utvrđenih ovim rješenjem.

4. Ovo rješenje objaviće se u "Službenom listu RBiH".

V. broj 174/92
24. novembra 1992. godine
Sarajevo

Predsjednik
Vlade RBiH,
Mile Akmađić, s. r.

531

Na osnovu člana 2. stav 1. Uredbe o načinu formiranja cijena određenih proizvoda i usluga ("Službeni list SRBiH", br. 4/92, 5/92 i 7/92), Vlada Republike Bosne i Hercegovine, donosi

RJEŠENJE

O DAVANJU SAGLASNOSTI NA CIJENE ELEKTRIČNE ENERGIJE

1. Daje se saglasnost Javnom preduzeću za proizvodnju, prenos i distribuciju električne energije "Elektroprivreda BiH" Sarajevo, da cijene električne energije, može povećati za 462 %.

2. Cijene električne energije iz tačke 1. ovog rješenja primjenjivaće se od 1. decembra 1992. godine.

3. Nalaže se Javnom preduzeću za proizvodnju, prenos i distribuciju električne energije "Elektroprivreda BiH" Sarajevo da cjenovnik usaglašen sa ovim rješenjem dostavi Ministarstvu robnog prometa, poduzetništva i turizma, u roku od tri dana od dana početka primjene cijena električne energije utvrđenih ovim rješenjem.

4. Obavezuje se Javno preduzeće za proizvodnju, prenos i distribuciju električne energije da do 1. decembra 1992. godine, pripremi diferencirane tarifyne stavove za pojedine kategorije stanovništva u cilju zaštite njihovog standarda.

5. Ovo rješenje objaviće se u "Službenom listu RBiH".

V. broj 175/92
24. novembra 1992. godine
Sarajevo

Predsjednik
Vlade RBiH,
Mile Akmađić, s. r.

532

Na osnovu člana 23. stav 3. Uredbe sa zakonskom snagom o državljanstvu Republike Bosne i Hercegovine ("Službeni list RBiH", broj 18/92), ministar odbrane, donosi

NAREDBU O DOSTAVLJANJU RJEŠENJA O STICANJU DRŽAVLJANSTVA REPUBLIKE BOSNE I HERCEGOVINE

1. Ovom naredbom naređuje se dostavljanje rješenja o sticanju državljanstva Republike Bosne i Hercegovine (u daljem tekstu: državljanstvo RBiH) nadležnim organima određenim za vođenje evidencije vojnih obveznika.

2. Rješenje o sticanju državljanstva RBiH dostavlja se okružnom sekretarijatu odbrane koji će, nakon uvođenja u evidenciju, rješenje dostaviti odjeljenju Ministarstva odbrane u opštini mjesta prebivališta odnosno boravka radi uvođenja u evidenciju vojnih obveznika i Ministarstvu odbrane radi vođenja ukupne evidencije lista - vojnih obveznika po osnovu sticanja državljanstva RBiH.

3. Ova naredba stupa na snagu danom objavljivanja u "Službenom listu RBiH".

Broj 22/143-1/92

15. novembra 1992. godine Zamjenik ministra
Sarajevo Munib Blak, s. r.

533

Na osnovu člana 30. stav 3. Uredbe sa zakonskom snagom o državljanstvu Republike Bosne i Hercegovine ("Službeni list RBiH", broj 18/92), ministar odbrane, donosi

NAREDBU O SMETNJAMA U POGLEDU VOJNE OBAVEZE ZA OTPUST IZ DRŽAVLJANSTVA REPUBLIKE BOSNE I HERCEGOVINE

1. Ovom naredbom propisuju se smetnje u pogledu vojne obaveze zbog kojih državljanin Republike Bosne i Hercegovine (u daljem tekstu: Republika) ne može dobiti otpust iz državljanstva Republike.

2. Smetnje zbog kojih OBVEZNIK - REGRUT ne može dobiti otpust iz državljanstva Republike su:

1) ako mu je prije podnošenja zahtjeva za otpust iz državljanstva Republike dostavljen poziv za služenje vojnog roka,

2) ako je protiv njega pokrenut krivični postupak zbog krivičnog djela neodazivanja poziva ili izbjegavanja vojne službe iz člana 214. Krivičnog zakona Socijalističke Federativne Republike Jugoslavije, koji je preuzet kao republički zakon za vrijeme neposredne ratne opasnosti ili za vrijeme ratnog stanja ("Službeni list RBiH", broj 2/92).

3) ako je pobjegao u inostranstvo.

Izuzetno, neće se smatrati da postoji smetnja u pogledu vojne obaveze ako je poziv za služenje vojnog roka dostavljen obvezniku - regrutu koji se iseljava iz Republike zajedno sa svojom porodicom ili želi da se odseli roditeljima koji stalno borave u inostranstvu.

3. Smetnje zbog kojih VOJNI OBVEZNIK ne može dobiti otpust iz državljanstva Republike su:

1) ako je upućen na vojnu vježbu,

2) ako bi, s obzirom na dužnosti koje je vršio u Armiji Republike a koje odredi Ministarstvo odbrane, njegovim otpustom iz državljanstva i iseljenjem mogla biti ugrožena vojna tajna - za vrijeme dok ta mogućnost postoji, a najduže do jedne godine od dana otpuštanja iz Armije Republike,

3) ako je pobjegao u inostranstvo.

4. Izuzetno od odredbe stava 3. tačka 3. ove naredbe, obvezniku - regrutu odnosno vojnom obvezniku koji je pobjegao u inostranstvo i obvezniku - regrutu odnosno vojnom obvezniku koji je bez vize za stalni boravak ostao u inostranstvu da tamo stalno boravi, na prijedlog nadležnog diplomatskog

odnosno konzularnog predstavništva Republike u inostranstvu i u saglasnosti sa Ministarstvom odbrane, može se dati otpust iz državljanstva Republike.

5. Vojniku se ne može dati otpust iz državljanstva Republike.

6. Podatke o tome da li postoje smetnje u pogledu vojne obaveze za otpust iz državljanstva Republike navedene u stavu 2. tačka 1., stavu 3. tač. 1. i 2. i u stavu 5. ove naredbe, daje nadležni opštinski sekretarijat odbrane.

7. Ova naredba stupa na snagu danom objavljivanja u "Službenom listu RBiH".

Broj 22/142-1/92

15. novembra 1992. godine Zamjenik ministra,
Sarajevo Munib Blak, s. r.

533

Po izvršenom savjetovanju sa izvornim tekstom utvrđeno je da su se u tekstu Uredbe sa zakonskom snagom o izmjenama Krivičnog zakona Republike Bosne i Hercegovine, koja je objavljena u "Službenom listu RBiH", broj 16/92, potkrale niže navedene greške, pa se daje

ISPRAVKA UREDBE SA ZAKONSKOM SNAGOM O IZMJENAMA KRIVIČNOG ZAKONA REPUBLIKE BOSNE I HERCEGOVINE

1. Iza člana 6. treba da stoji član 7. koji glasi:

"Član 7.

U članu 152. u stavu 3. i u članu 155. u stavu 2. rije "petnaesthiljada" zamjenjuju se riječima: "tridesethiljada."

2. U članu 7. umjesto broja "7" treba da stoji broj "8".

Broj 02-011-805/92 Zamjenik generalnog sekretara
27. oktobra 1992. godine Predsjedništva RBiH,
Sarajevo Zdravko Durkić, s. r.

533

Uprava za boračko-invalidsku zaštitu Republike Bosne i Hercegovine

Na osnovu člana 49. stav 4. Zakona o osnovnim pravima vojnih invalida i porodica palih boraca ("Službeni list SFRJ", br. 69/81, 41/83, 75/85, 44/89, 20/90 i 42/90), koji je preuzet Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92), direktor Uprave za boračko-invalidsku zaštitu Republike Bosne i Hercegovine, izdaje

NAREDBU O USKLADIVANJU MJESEČNIH NOVČANIH IZNOSA LIČNE INVALIDNINE, PORODIČNE INVALIDNINE I UVEĆANE PORODIČNE INVALIDNINE, DODATKA ZA NJEGU I POMOĆ OD STRANE DRUGOG LICA I ORTOPEDSKOG DODATKA

I

Mjesečni novčani iznos lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka, povećavaju se za 57,8%, počev od 1. avgusta 1992. godine.

II

Povećanje iz tačke I ove naredbe izvršiće se na iznos utvrđene Naredbom o uskladjivanju mjesečnih novčanih iznos lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka počev od 1. jula 1992. godine ("Službeni list RBiH", broj 18/92).

SUDSKI OGLASI

Osnovni sud u Kaknju je svojim rješenjem broj P-248/92 od 14. oktobra 1992. godine na glavnoj raspravi, održanoj dana 14. 10. 1992. godine, postavio tuženom privremenog zastupnika, a na osnovu odredbe člana 84 stav 2 tačka 4 i 5 ZJP-a, a tuženom je za privremenog zastupnika postavljen Plasta Šefki-

ja, advokat iz Kaknja, a koji će zastupati tuženog u ovome postupku za razvod braka, sve dok se tuženi ili punomoćnik koga angažuje tuženi ne pojavi pred sudom.

Ovaj oglas će se objaviti u trojku tužiteljice u "Službenom listu" i na oglasnoj tabli Osnovnog suda u Kaknju, a nakon objavljivanja oglasa u Službenom listu potrebno je da se primjerak tog Službenog lista dostavi Osnovnom sudu u Kaknju, pozivom na predmet broj P-248/92. (463-so)

SADRŽAJ

- | | | | |
|--|-----|---|-----|
| 502 Uredbu sa zakonskom snagom o radnim odnosima za vrijeme ratnog stanja ili u slučaju neposredne ratne opasnosti | 569 | 521 Uredbu sa zakonskom snagom o dopunama Uredbe sa zakonskom snagom o obrazovanju i radu okruga | 584 |
| 503 Uredbu sa zakonskom snagom o izmjenama i dopunama Uredbe sa zakonskom snagom o primjeni Krivičnog zakona Republike Bosne i Hercegovine i Krivičnog zakona Socijalističke Federativne Republike Jugoslavije koji je preuzet kao republički zakon za vrijeme neposredne ratne opasnosti ili za vrijeme ratnog stanja | 570 | 522 Uredbu sa zakonskom snagom o izmjenama i dopunama Uredbe sa zakonskom snagom o javnim preduzećima | 584 |
| 504 Uredbu sa zakonskom snagom o ograničavanju prometa drveta i drvnih sortimenata | 572 | 523 Odluku o usvajanju ostavke predsjednika Vlade Republike Bosne i Hercegovine | 584 |
| 505 Uredbu sa zakonskom snagom o primjenjivanju Zakona o prometu nepokretnosti za vrijeme ratnog stanja ili u slučaju neposredne ratne opasnosti | 573 | 524 Odluku o izboru predsjednika Vlade Republike Bosne i Hercegovine | 584 |
| 506 Uredbu sa zakonskom snagom o izmjenama i dopunama Zakona o Geodetskom zavodu Bosne i Hercegovine | 573 | 525 Odluku o usvajanju ostavke člana Predsjedništva Republike Bosne i Hercegovine | 585 |
| 507 Uredbu sa zakonskom snagom o uvjetima i načinu obavljanja djelatnosti rezanja drveta | 574 | 526 Odluku o visini takse za držanje pasa | 585 |
| 508 Uredbu sa zakonskom snagom o izmjenama zakona o putevima | 575 | 527 Odluku o visini i načinu naplate naknade za veterinarsko-sanitarne preglede | 58 |
| 509 Uredbu sa zakonskom snagom o korištenju sredstava solidarnosti za velike opravke | 575 | 528 Odluku o visini takse za uvjerenje o zdravstvenom stanju životinja | 586 |
| 510 Uredbu sa zakonskom snagom o neprimjenjivanju Zakona o agrarnoj reformi i kolonizaciji u Narodnoj Republici Bosni i Hercegovini | 576 | 529 Rješenje o davanju saglasnosti na cijene osnovnih usluga u unutrašnjem poštanskom, telegrafskom i telefonskom saobraćaju | 586 |
| 511 Uredbu sa zakonskom snagom o izmjenama i dopunama Zakona o prometu nepokretnosti | 576 | 530 Rješenje o davanju saglasnosti na cijene uglja za termoelektrane | 586 |
| 512 Uredbu sa zakonskom snagom o položaju i ovlaštenjima Crvenog krsta - Crvenog križa Bosne i Hercegovine | 578 | 531 Rješenje o davanju saglasnosti na cijene električne energije | 586 |
| 513 Uredbu sa zakonskom snagom o upotrebi i zaštiti znaka i naziva Crvenog križa - Crvenog krsta Bosne i Hercegovine | 580 | 532 Naredbu o dostavljanju rješenja o sticanju državljanstva Republike Bosne i Hercegovine | 586 |
| 514 Uredbu sa zakonskom snagom o dopunama Uredbe sa zakonskom snagom o primjeni Zakona o redovnim sudovima za vrijeme neposredne ratne opasnosti ili za vrijeme ratnog stanja | 582 | 533 Naredbu o smetnjama u pogledu vojne obaveze za otpust iz državljanstva Republike Bosne i Hercegovine | 587 |
| 515 Uredbu sa zakonskom snagom o neprimjenjivanju Zakona o uzurpacijama za vrijeme ratnog stanja ili u slučaju neposredne ratne opasnosti | 582 | | |
| 516 Uredbu sa zakonskom snagom o izmjeni Zakona o državnoj upravi | 583 | Ispravka Uredbe sa zakonskom snagom o izmjenama Krivičnog zakona Republike Bosne i Hercegovine | 587 |
| 517 Uredbu sa zakonskom snagom o dopuni Uredbe sa zakonskom snagom o okružnim vojnim sudovima | 583 | | |
| 518 Uredbu sa zakonskom snagom o dopuni Uredbe sa zakonskom snagom o okružnim vojnim tužilaštvima | 583 | UPRAVA ZA BORAČKO-INVALIDSKU ZAŠTITU REPUBLIKE BOSNE I HERCEGOVINE | |
| 519 Uredbu sa zakonskom snagom o dopunama Uredbe sa zakonskom snagom o primjeni Zakona o prekršajima za vrijeme neposredne ratne opasnosti ili za vrijeme ratnog stanja | 583 | Naredbu o usklađivanju mjesečnih novčanih iznosa lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka | 587 |
| 520 Uredbu sa zakonskom snagom o dopuni uredbe sa zakonskom snagom o primjeni zakona o javnom | | Naredbu o usklađivanju mjesečnih novčanih iznosa osnovnog obezbjeđenja, porodičnog dodatka, dodatka za njegu i pomoć drugog lica, stalnog obezbjeđenja i izuzetnog obezbjeđenja | 588 |
| | | Naredbu o usklađivanju mjesečnih novčanih iznosa invalidskog dodatka, dodatka za njegu i pomoć drugog lica i dodatka na djecu | 588 |
| | | USTAVNI SUD BOSNE I HERCEGOVINE | |
| | | Odluka o odbijanju prijedloga Radničkog savjeta Društvenog preduzeća "Elektrobosna" Jajce za ocjenjivanje zakonitosti odredaba člana 17. i člana 18. stav 1. tačka c. Pravilnika o rješavanju stambenih potreba radnika OOUR-a Ferolegure, u sastavu RO "Elektrobosna" Jajce od 29. marta 1989. godine. | 588 |